


DS
735
A2Y86
1771a
V. 51



御批歷代通鑑輯覽卷之一百一

明

太祖皇帝

丁卯洪武二十年春正月以馮勝為征虜大將軍率師征納

克楚

元太尉納克楚擁眾數十餘萬屯金山

明史地理志遼東三萬衛西北

有金山方輿紀要山東南距衛三百五十里考明三萬衛今為奉天府開原縣金山蓋在縣之西北數侵

遼東帝以勝為大將軍傅友德藍玉為副帥師二十萬

征之諭曰納克楚詭詐爾等且駐師通州先遣人覘其

出沒彼若在慶州

遼置後廢故城在今巴林西北

宜以輕騎掩其不備

慶州既克全師徑擣金山出彼不意必成擒矣復遣前

金山在今開原縣西北慶州在今巴林西北東西相距約二千里納克楚方據金山以規取遼東豈復能出兵西略明兵即欲搗其巢穴自當從東道進師乃反向慶州偵伺敵踪何異燕巖適越且元之諸部久已離析瓜分納克楚斷不能仍兼有其故地意當時

或有別部留屯慶州而諸將未悉塞外輿程遙加臆度遂妄指慶州為納克楚出沒之所至明祖既令自通州遣人覘視復使從慶州徑搗金山道里迂迴機宜亦多不合總緣明人于塞外地理全屬茫然但據傳聞彷彿以為措置不自知其舛謬可笑如此耳

焚錦衣衛刑具

輕騎襲破之斬平章郭勒舊作果來今改擒其子布喇奇勝出松亭關築大寧寬河會州富峪四城方輿紀要自喜峯口而北一百二十里有故松亭關遼金時戍守處也其相近者曰寬河城自是而東北曰會州城由會州而東曰富峪城又東北為大寧新城駐兵大寧俱洪武時築

時天下重罪逮至京者多收繫錦衣衛斷治適有富民繫衛獄用事者非法凌虐帝聞之怒曰訊鞫法司事也或令錦衣衛審之欲先得其情耳豈令其鍛鍊邪執用事者治之悉焚其刑具以囚送刑部既而復申明其禁詔內外獄毋得上

咎矣

錦衣衛。大小咸經三法司。事在二十六年。

夏六月。馮勝至金山。納克楚降。

勝自大寧帥師趨金山。遣使送鼐喇固還。至松花河。

即松

花江。注見前。

納克楚見之。大驚。相勞問。鼐喇固述帝恩德。納

克楚心動。遣左丞劉特默齊

舊作劉探馬赤。今改。

等來獻馬。勝受

之。而引兵徑踰金山。降全國公和通。

舊作觀童。今改。後仿此。進壓

納克楚營而軍。初。納克楚分兵為三營。

一曰榆林深處。一曰養鶯莊。一

曰龍安伊圖河。

識安。即金隆安府。注見前。伊圖河。在龍安城東。下流入松花江。按伊圖河。舊作一禿河。今改。

畜牧蕃盛。及是。為大軍所逼。又已先入鼐喇固言。意猶

豫不決。因遣使陽為請降。以覘兵勢。勝遣藍玉往受之。

納克楚所遣使亦還報。極言大將軍兵盛。納克楚乃仰

撫降須處置得宜使之樂業安居永消反側明祖之諭誠策之善著勝乃俾衆撤兵自取潰卒之挫辱由其中情惟怯且與常茂不

天嘆曰。天弗使吾有此衆矣。遂率數百騎詣玉。玉大喜。飲以酒。納克楚酌酒酌玉。玉解衣衣之。納克楚不肯服。玉亦不飲。爭讓久之。納克楚取酒澆地。顧其下咄咄語。鄭國公常茂在坐。其麾下解蒙古語者密告茂。納克楚將遁矣。茂直前搏之。納克楚驚起。欲就馬。茂拔刀斫傷其臂。不得騎。都督耿忠擁以見勝。勝重禮之。使忠與同寢食。納克楚將士妻子十餘萬衆。在松花河北。聞納克楚傷。驚潰。有欲來追者。勝遣和通諭降之。先後凡二十餘萬人。所獲輜重馬畜。亘百餘里。勝之趨金山也。臨江侯陳鏞失道戰歿。及師還。都督濮英以兵三千殿後。爲潰卒所邀襲。馬蹄被勒。英絕食不言。乘間引佩刀刺腹死。初。帝聞捷。卽馳諭勝。留兵五萬于大寧防後患。散處降衆瀋陽崖頭間。與遼東兵參住耕牧。而勝以常茂驚潰敵衆。懼不測。

和欲以重其罪耳。卽當軍律以誅之。勝實無所辭。咎何轉侯與。口稱場語耶。

乃盡俘其衆內徙。大寧兵亦悉拔歸。時納克楚潰卒散匿者。尙數萬。聞之。設伏于途。謀竄取。大軍過。不敢發。英後至。猝爲所乘。三千人殲焉。事聞。詔追封英金山侯。以米帛給鋪家。納克楚至京。帝召見。尉勞甚至。封海西侯。龍喇固亦授千戶。賜金帛。

秋七月。太白三辰晝見。

八月。收馮勝大將軍印。召還。以藍玉攝軍事。

勝奏常茂激變狀。

茂勝女婿也。其在軍。以不得任偏裨。將意邑邑不樂。勝每誚責之。茂應之。

慢。勝益怒。未有以發也。會有納克楚事。故多增飾其狀。

械繫至闕。會有言勝多匿

良馬。使闇者行酒于納克楚妻。求大珠異寶。王子死二

日。強娶其女。失降附心。茂亦許奏勝諸不法事。且言勝

無以自解。故委罪于茂。帝怒。下詔切責勝。收其大將軍

印。以藍玉代之。尋命勝就第鳳陽。奉朝請。安置茂于龍

州。宋置。元爲萬戶府。明仍爲州。土官趙氏世襲。今改下龍。上龍二司。屬廣西太平府。

九月。置大寧都指揮使司。

司治大寧。又置大寧中。左。右。及會州等衛。皆隸焉。明年。改爲

北平行都司。

詔商稅無定額。

戶部言。天下稅課。視舊有虧。宜以洪武十八年所收爲定額。帝曰。商稅多寡。歲有不同。限以定額。豈不病民。不從。

以藍玉爲大將軍。帥師北伐。

帝以故元特古斯特穆爾尙在。終爲邊患。乃卽軍中拜

玉爲大將軍。延安侯唐勝宗

濠人。

武定侯郭英

興之弟。副

之。都督耿忠孫恪。

興祖之子。

為左右參將。

明初設。無品級。亦無定員。多以勲戚

充之。其後秩在副總兵下。遊擊次之。

率師十五萬往征之。

是冬。元將托克托等降于王。

冬十一月。命湯和築瀕海城防倭。

先是。帝以倭患。命和巡視浙江福建沿海諸城。

事在十七年。

既而又命江夏侯周德興于福建濱海四郡。

福建漳泉興化四府。

築城練兵以備之。

德興往四郡。相視形勢。築城十有六。民戶三丁取一。以充成卒。在是年。

四月。至是和已請老。會倭寇上海。

元縣。今屬松江府。

帝召和謂曰。

卿雖老。強為朕一行。和請與方鳴謙俱。鳴謙。國珍從子。

也。習海事。帝訪以禦倭策。鳴謙曰。倭海上來。則海上禦。

之耳。請量地遠近置衛所。陸聚步兵。水具戰艦。若壘錯。

置其間。則倭不得入。入亦不得傳岸。其兵則籍近海民。

四丁取一以充。無煩客兵也。帝以為然。命和董其事。和

乃度地浙東西。置衛所。並海築城五十有九。選壯丁五

萬八千餘人戍之。

始和選丁壯三萬五千人築城。盡發州縣錢及籍罪人貲給役。役夫往往

過望。而民不能無擾。浙人頗苦之。或謂和曰。民讞矣。奈何。和曰。成遠算者。不恤近怨。任大事者。不顧細謹。國無備。及于戈鋌。井里將墟。餘何有焉。復有讞者。齒吾劍。踰年而城成。海防大飭。其後嘉靖間。東南苦倭患。和所築城堅緻。久而不圯。民多賴以相保。咸歌思之。請于朝立廟祀焉。

戊辰

二十一年春正月。詔治有司匿災者罪。

青州饑。有司匿不以聞。詔逮治之。且著為令。

三月。沐英討思倫發。破走之。

先是。思倫發誘羣蠻寇馬龍他郎甸。

今雲南元江府新平縣西北。有故新

化州。舊為馬龍他郎甸地。明并為州。今裁。

之摩沙勒。

寨名。在故新化州東南。其地羣山夾江。險

蠻人驅象列戰特藉以為
恐嚇庸衆之資使傷者懼
而却避鮮有不受其蹂躪
者沐英部署將士奮勵直
前大呼而繼以礮弩先聲
足以懾之象反走而賊且
奪其所恃握刀馳突賊衆
披靡遂以克捷可見臨敵
決機將勇者勝乃一定之
理即昆陽之虎豹股栗亦
由光武威氣過敵不盡藉
助風雷也

如沐英遣將擊敗之至是思倫發悉舉其衆復寇定

邊

明時屬楚雄府今併入蒙化府置巡司于此

號三十萬英選騎三萬馳救

置火礮勁弩為三行蠻驅百象被甲翼以標槍銳甚英

分軍為三都督馮誠居前都督同知甯正左湯昭右英

與將士約有功者賞退輟者斬因乘風大呼礮弩並發

象皆反走賊殊死鬪左軍少却英登高望之取佩刀命

左右斬帥首來左帥見一人握刀馳下恐奮呼突陳大

軍乘之無不一當百蠻大敗斬馘四萬餘生獲象三十

七賊帥各被百餘矢伏象背死思倫發遁去

明年思倫發遣使入

貢謝罪麓川

平緬遂平

夏四月藍玉襲破元特古斯特穆爾于捕魚兒海

在今克什克騰

西北周

獲其子迪保努

舊作地保奴今改後仿此

玉以大軍出大寧至慶州聞特古斯特穆爾在捕魚兒

海遂間道馳進至百眼井不見敵玉欲還定遠侯王弼

曰吾等提十萬衆深入至此無所得何以復命玉曰然

令軍士穴地而爨毋使見烟火乘夜馳至捕魚兒海黎

明去敵營八十餘里時大風揚沙晝晦軍行無知者敵

不設備弼爲先鋒大破之斬太尉曼濟等降其衆特古

斯特穆爾以其太子添保努

舊作天保奴今改後仿此

等數十騎遁

獲其次子迪保努及妃主以下百餘人官屬三千男女

七萬馬牛駝羊十五萬奏捷京師帝大悅遣使齎勅勞

玉比之衛青李靖云

迪保努及妃主至京帝命有司給第宅廬餼既有言玉私元上妃事

帝怒玉無禮。切責玉。妃聞而自縊。迪保努由是有怨言。帝聞之曰。朕嘗與儒臣議欲封之。以盡待亡國之禮。迪保努乃若是。豈可使復居內地。于是遣使送往琉球。仍厚賞遣之。時元四大王久匿山中。其下逃散畧盡。四大王窮蹙。詣晉王府降。帝命徙之雲南。是年納克楚亦卒。以其子察罕爲瀋陽侯。後坐藍黨死。

高麗李成桂囚其王禍而立禍之子昌。

禍欲寇遼東。使成桂繕兵。成桂遣兵屯艾州。以糧不繼而退。禍怒。殺成桂之子。成桂還兵攻之。囚禍。逼使遜位于其子昌。既而又以禍本辛朮子。禍之子亦不可爲王氏後。乃廢昌。別求王氏疎屬定昌國院君瑤立之。事在二十

二年

五月甲戌朔。日食。

六月。信國公湯和歸鳳陽。

帝春秋寢高。不欲諸將久典兵。未有以發也。和以間從容乞骸骨。帝大悅。賜鈔。治第鳳陽。並為諸公侯治第。至是第成。和築城海上還。率妻子陞辭。帝褒諭之。賜賚甚厚。

秋七月。以解縉

字大紳。吉水人。

為監察御史。

縉為中書庶吉士。甚見愛重。一日。帝在大庖西室。諭縉

曰。朕與爾義則君臣。恩猶父子。當知無不言。縉即上封

事萬言。

略曰。臣聞令數改則民疑。刑太繁則民玩。國初至今。將三十載。無幾時不變之法。無一日無過

之人。臣聞陛下鋤根剪蔓。誅其奸逆矣。未聞褒一大善。賞延于世。始終勿替者也。或朝賞而暮戮。或忽罪而忽赦。陛下每多自悔之時。輒有無及之嘆。是非私意使然。存養之功。少加密耳。若夫祀天宜復掃地之規。尊祖宜備七廟之制。奉天不宜為筵宴之所。文淵猶未備館閣之隆。太常非俗樂可肄。官妓非人道所為。禁絕倡優。易

古稱井田善政行于亂之後是求治行于治之時是求亂其說誠不可易蓋自阡陌既開貧富本難一致若屬在承平人安其業而必爲均田限田之策紛紜予奪重擾閭閻其所害于民生者滋大或當兵燹之餘汙萊遍野版籍蕩然因而徵田定制計口授產一經制而示維新庶乎無弊然亦須審其時勢而熟策之非可冒昧從事也如解縉均田之請未嘗非因明承亂後起見不知明立國

置闡寺執戟暉階皆用俊良勿興土木之工勿貪四裔之地減細縣省冗官痛懲法外威刑永革京城工役婦女非帷薄不修毋令逮繫大臣有過惡當誅不宜加暴近歲臺綱不肅以刑名輕重爲能事以問囚多寡爲勲勞御史糾彈皆承密旨每聞上有赦宥則必過爲執持意謂如此則上恩愈重此皆小人趨媚効勞之細術陛下何不肝膽而鏡照之哉陛下進人不擇賢否授職不量輕重權埋鬻悍之夫闕茸下愚之輩朝捐刀鏹暮擁冠裳左棄筐篋右縮組符雖日立賢無方亦盍枕詢有德古者善惡鄉鄰必記今互知之法雖嚴而訓告之方未備臣欲求古人治家睦鄰之法若古藍田呂氏鄉約今義門鄭氏家範布之天下世臣大族率先以勸將見作新於變至于比屋可封不難矣臣聞地有盛衰物有盈虛而商稅之徵率皆定額既稅于所產之地又稅于所過之津何奪民之利如此密也且多貧下之家不免拋荒之咎無前日之生植有前日之稅糧或膏腴而稅反輕瘠鹵而稅反重此里胥之弊也欲拯困而革弊莫若行授田均田之法兼常平義倉之舉積之以漸至有九年之食無難者夫連坐起于秦法孥戮本于偽書爲善者妻子未必蒙榮有過者里胥已陷其罪况律以人倫爲重而有給配婦女之條聽之于不義則又何取夫節義哉同寅協恭相倡以禮今內外百司擢楚屬官

已將二紀民間耕田納賦大局粗定豈可復事紛更況當時雖羅戰爭亦未必比戶化離皆致失其恒產若徒向富厚者強取以與人是不受均田之益而怨容先起矣天下甫平民氣未定不思撫循蠲輯而反重拂其心又將何以維持邦本乎縉不察時宜空談經濟仍不免書生迂濶之見耳

甚于奴隸是使柔儒之徒蕩無廉恥甚非所以勵風節也。臣但知罄竭愚衷。急于陳獻。所奏略無次序。惟陛下垂鑒。書奏。帝稱其才。尋改爲御史。縉未授御史時。嘗入兵部堂索皂隸。語嫚。尚書沈潛以聞。帝曰。縉以冗散自恣邪。遂命爲御史。既而縉復代郎中王國用草疏。爲李善長申雪。又嘗爲同官夏長文草疏。劾都御史袁泰。于是大臣皆惡之。會有詔。近臣父皆得入覲。縉父開至。帝召謂曰。大器晚成。若以而子歸。益令進學。後十年來。用未晚也。遂罷歸。

九月。勅天下衛所屯田。

歲得糧五百餘萬石。

越州

本苦麻蠻部。元時內屬。因置越州。明改衛。今裁。故城在曲靖府南寧縣。苦麻。元史作普麼。今依明史土

司蠻叛。命沐英傳友德討之。

越州土酋阿資。故知州龍海子也。沐英南征時。駐兵其地。諭降龍海。奏以爲知州。未幾卽叛。英以計擒之。走遼

定服飾以辨等威固為正
論然不過審慎嫌微所繫
猶小而當日衆建諸王封
地太廣皆強幹弱支之
道遂貽後世藩籬逆禍
基卓敬既有所見何不舉
其大者剴切力陳而撫末
務以為建白可謂昧于輕

東阿資襲父職益桀驁至是反帝命英友德會兵討之

友德道過平彝以其山險峻留兵千人守之進擊阿資
于普安大破之蠻衆攀崖緣壁墜死者不可勝數阿資
遁還越州初阿資之叛也揚言曰國家有萬軍之勇我
地有萬山之險豈能盡滅我輩英乃請置越州馬龍二
衛扼其險要又分兵勦捕阿資窮蹙遂請降平彝明
衛今改縣屬曲靖府馬龍明初為衛後改州今州亦屬
曲靖府

以卓敬

字惟恭瑞安人

為戶科給事中

敬鯁直無所避時制度未備諸王服乘擬天子敬乘間
言京師天下視效陛下子諸王不早辨等威而使服飾
與太子埒嫡庶相亂尊卑無序何以令天下帝笑曰爾
言是朕慮未及此益器重之他日敬與同官進見適八
十一人帝命改官為元士
尋以六科為政事本源又
改日源士已復稱給事中

重或以明祖未從其言為
言即採而行之亦安能引
是於未形乎

冬十月元伊遜岱爾

舊作也速迭兒今改

弒其主特古斯特穆爾

特古斯特穆爾既遁將依丞相耀珠

舊作咬住今改

於和林行

至圖拉河為其下伊遜岱爾所襲眾遂散獨與十六騎

俱耀珠來迎欲共往依庫庫特穆爾

舊作闊闊帖木兒與前卷係兩人

會大雪不得發伊遜岱爾兵猝至遂遇害并殺添保努

自是不復紀年五傳至琨特穆爾被弒有郭勒齊者篡立稱汗去國號遂稱韃靼云按琨特穆爾舊作坤帖

木兒郭勒齊舊作鬼力赤今並改

十二月安南黎季犛廢其王煒尋弒之

陳叔明立三歲傳其弟熾熾死弟煒代立其相黎季犛

竊柄廢煒殺之立叔明子口焜主國事

已巳

二十二年春正月改太宗正院

洪武初設

為宗人府

府設令一人左右宗正宗人各一人並以親王領之。其後

以勲戚大臣攝府事不備官

二月禁武臣預民事。

湖廣千戶夏得忠作亂靖寧侯葉昇合肥人討之得忠伏誅。

得忠誘九溪

印九渡溪在湖南澧州慈利縣西南水經注九渡水南出九渡山山下有溪亦以九

渡為名

洞蠻為寇昇同胡海等討之潛兵出賊後掩擊擒

得忠斬之置九溪永定二衛

九溪故衛在澧州安福縣北永定故衛在安福縣西

今俱廢

夏五月置泰寧朵顏福餘三衛

三衛之地本烏梁海

舊作兀良哈按元史蘇布特傳稱為兀良哈氏即現今喀喇沁旗之

以烏梁海為姓氏是也今所居在元時為大寧路迤北

境洪武初元遼王惠寧王朵顏元帥府內附。已數為韃

靼所抄乃卽其地置三衛曰泰寧

今土默特阿魯科爾沁等部爲泰寧衛故地。

曰朵顏

今喀喇沁敖漢奈曼翁牛特巴林等部及熱河五廳爲朵顏衛故地。曰福餘

今科爾沁郭爾羅斯杜爾伯特札賚特等部爲福餘衛故地。

俾部長各領其衆互爲聲

援獨朵顏地險而強。

秋九月丙寅朔日食。

冬十二月遷王儲于雲南尋止之。

橐糧棄其國來居鳳陽帝怒命遷之雲南尋止勿徙使

居京師

至二十五年復勅歸藩。

庚午二十三年春正月命晉王桐燕王棣師北伐。

命傅友德等以北平兵從燕王王弼等以山西兵從晉

王征耀珠及鼐爾布哈。

二月河決歸德。

決歸德東南鳳池口。徑夏邑永城諸縣。發十三衛士卒。與歸德民并力築之。及秋。又決開封。

三月燕王棣至伊都。

山名舊作迤都。今改。

元太尉鼐爾布哈等降。

棣出古北口。偵知鼐爾布哈營伊都。冒大雪馳進。去敵一磧。先遣指揮和通往。和通故善鼐爾布哈。至則相持泣頃之。大軍壓其營。鼐爾布哈及耀珠等驚欲遁。和通止之。引見棣。賜酒食。慰諭遣還。鼐爾布哈喜過望。遂偕耀珠等來降。旣而命元降軍赴北平。聽燕王調用。棣兵自此益強。

夏四月。潭王梓自焚死。

梓英敏好學。嘗會府僚。設醴賦詩。品其高下而賚予之。

妃於氏。都督顯女也。顯與子琬坐胡惟庸黨誅。梓不自

安。帝遣使召之。大懼。與其妃自焚死。梓無子。國除。先是魯王檀薨。檀善詩。

歌好餌金石藥。毒發而死。帝命禮臣議喪禮。曰。父子天性。諡法公議。朕不得以私恩廢公議。特諡曰荒。

閏月。詔期服不得奔喪。

初。百官聞祖父母伯叔兄弟喪。俱奔赴。吏部言。一人或

連遭五六期服。或道路數千。則居官日少。更易繁數。曠

官廢事。莫此為甚。請自今期年服。不許奔喪。從之。

五月。以楊靖字仲寧。山陽人。為刑部尚書。

時詔在京官。三年皆遷調。著為令。靖以戶部尚書改刑

部。帝諭曰。愚民犯法。如啗飲食。嗜之不知止。設法防之。犯益衆。惟推恕行仁。或能感化。靖承旨治獄明察而不事深文。在部多所平反。帝嘉納之。靖嘗鞠一武弁。門卒驚異。靖徐曰。僞也。安有珠大如此者。立碎之。帝聞。歎曰。靖此舉有四善焉。不獻朕以求容悅。一也。不究其所投獻。息大獄。二也。不獎門卒。杜小人僥倖。三也。千金之珠。猝然至前。斥以爲僞。而碎之。有過人之智。應變之才。四也。

賜韓國公李善長死。

李善長股肱臣也。知胡惟庸反謀。隱而不舉。卽非甘心附和。亦與躬蹈反逆同科。明祖旣以按治得實。當明其獄詞。以彰顯戮。庶法紀昭而人知警。乃當御史

先是。善長弟存義。安置崇明。善長不謝。帝銜之。至是。善長年七十七。耄不檢下。嘗欲營第。從信國公湯和假衛卒三百人。和以聞。四月。京民有坐罪應徙邊者。善長數請免其私親丁斌等。帝怒。按斌。斌故給事胡惟庸家。因

連章劾奏並未明正典刑
時國事陳顧因占驗賜死
言星變使一時罪狀不
善無識者轉得藉口至陸
仲章費聚實與逆謀當時
亦釋而不問稽誅十載始
正刑章而簿錄多人悉坐
奸竊又豈能無株連太過
之失乎

言存義等往時交通惟庸狀。命逮存義鞠之。詞連善長。
于是御史交章劾善長。坐以大逆。曾星變。言者謂其占
當移大臣。遂賜善長死。并殺其家屬七十餘人。子祺尚
臨安公主。免死。徙江浦。吉安侯陸仲亨。延安侯唐勝宗。
平涼侯費聚。南雄侯趙庸。河南侯陸聚。宜春侯黃彬。豫
章侯胡美。滎陽侯鄭遇春等。皆同時坐。惟庸黨死。帝條
列其罪。作姦黨錄。布告天下。既而虞部郎中王國用上言。善長與陛下同心。出萬
死以取天下。勲臣第一。生封公。死封王。男尚公主。親戚
拜官。人臣之分極矣。藉令欲自圖不軌。尚未可知。而今
謂其欲佐胡惟庸。使善長佐惟庸事成。不過勲臣第一
而已。寧復有加于今日。且善長豈不知天下之不可倖
取。當元之季。欲為此者何限。莫不身為齏粉。覆宗絕祀。
善長胡乃以衰倦之年。身蹈之也。凡為此者。必有深讐。
急變。大不得已。或至相挾以求脫禍。今善長子祺。托陛
下骨肉親。無纖芥嫌。何苦而忽為此。若謂大象告變。大

臣當災。殺之以應天象。則尤不可。臣恐天下聞之。謂功臣且如此。四方因之解體也。臣亦知善長已死。言之無益。願陛下作戒將來耳。帝覽之。亦不罪也。

秋七月。崇明海門。注俱海溢。見前。

詔遣官賑之。發民二十五萬築堤。

八月。詔毋以隸卒充選舉。

九月。庚寅朔。日食。

冬十二月。罷天下歲織文綺。

辛未二十四年春三月。戊子朔。日食。

夏四月。河決原武。

河水暴溢。決原武黑洋山。

在縣北。與陽武接界。

東。經開封城北。又

東南由陳州項城。

隋縣。今屬陳州府。

太和。

宋泰和縣。明改泰爲太。今縣屬潁州府。

潁州潁上東至壽州正陽鎮

在州西與潁上縣之西正陽夾進相對亦名東正陽

全入于淮而賈魯河故道遂淤又由曹州鄆城漫東平

之安山

注見前

元會通河故道亦淤

明年復決陽武杞陳州中牟等十一州縣

詔發民丁及十七衛軍士修築河隄會其冬大寒役遂罷

封子十人為王

梅

帝第十六子余妃出

為慶王

封寧夏子

權

帝第十七子楊妃出

寧王

封大寧子

梗

帝第十八子

周

妃出

岷王

封岷州尋徙雲南

穗

帝第十九子郭惠妃出

谷王

封宣府子

松

周

妃出

韓王

封開原子

模

帝第二十一子趙妃出

潘王

封潞州子

楹

帝第二十二子

安王

封平涼子

曄

帝第二十三子李賢妃出

唐王

封南陽子

棟

帝第二十四子劉惠妃出

郢

王

封安陸子

欒

帝第二十五子葛麗妃出

伊王

封洛陽子

秋八月命皇太子巡撫陝西

帝念天下形勢在西北。欲徙都關中。先遣太子相宅。故

有是命。

秦王橫聞帝欲徙都。有怨言。帝怒。召至京。錮之。及太子還。始令歸藩。

冬十月。以馮堅爲僉都御史。

堅南豐縣典史。上書言九事。一曰養聖躬。清心省事。以爲民社之福。二曰擇老成。輔導諸王。使正色直言。以圖匡救。三曰務農講武。屯戍邊圉。以備不虞。四曰精選有司。旌別屬吏。使人勇于自治。五曰褒祀典。俾末俗有所興勸。六曰省宦寺。以防內權。七曰調易邊將。以防外患。八曰採廉能。以懲貪墨。九曰會關防。以革奸弊。書奏。帝嘉之。稱其知時務。達事變。又謂侍臣曰。堅言調易邊將。則未然。邊將數易。則兵力勇怯。敵情出沒。山川形勢。無

以備知。倘得趙充國。班超者。又何以數易為哉。乃擢堅

僉都御史。堅在院頗持大體。尋卒于官。

十一月。皇太子還京師。

太子還上陝西地圖。遂病。病中猶上言經略建都事。

壬申二十五年夏四月。皇太子標卒。諡懿文。

帝御東角門。召羣臣曰。太子不幸至此。古云。國有長君。

社稷之福。朕意欲立燕王何如。學士劉三吾名如孫。以字行。茶陵人。

進曰。皇孫年富。世嫡之子。子歿。孫承嫡統。禮也。即立

燕王。置秦晉二王于何地。帝大哭而罷。然以三吾言立

孫之意遂決。太子初師事朱謙。通經史。大義。帝命裁決庶務。寬仁平敏。于刑獄多所減省。天性友

愛。秦周諸王。數有過。輒調護之。使歸國。或告晉王有異謀者。太子陝西還。偕之至京。為泣涕以請。帝乃感悟。王

神器當擇賢而昇。燕王素稱才武。知子莫若父。明祖自當內斷于心。彼時即定計建儲。不但付託得人。並可弭他日骨肉之釁。況父子世及本三代以下之常經。又深知長君為社稷之福。復有何疑慮而向廷臣婉轉曲詢此蓋由明祖泥古好名致三吾頓生異議

遂爾決意立孫一錯而不可復救且孫承嫡統其說不見禮經三吾所稱不知何所依據若太孫之名起于晉惠其後亦不克令終雖太甲嗣湯之事載于尚書亦以外丙仲壬之末堪繼嗣姑為變局不可以此例燕王建文也又如齊武帝之立鬱林遼道宗之立天祚亦皆弗克負荷浸至淪胥前車可鑑蓋三吾不通樂太孫實厚乃敢僞托禮文以陰搆大計實罪不容誅而明祖不知慎始慮終輕于授受禍患自貽實皆斷不斷階之厲耳

亦更以恭慎聞

建昌衛今四川寧遠府明為建昌衛指揮使伊嚕特穆爾叛命藍玉討

誅之

伊嚕特穆爾合德昌元路明為千戶所今日西昌縣為寧遠府治會川元路明改

衛今為會理等諸番攻建昌轉攻蘇州元置明改衛今為冕寧縣屬寧

遠府玉遣四川指揮瞿能合肥人討之至雙狼寨一作雙浪寨在西昌

縣水砦關西北擒其將賊眾大潰伊嚕特穆爾遁去能督兵追

捕進至達崇河又敗之伊嚕特穆爾乃走栢興州州當

今寧遠府鹽源縣元為栢興府明初因之後改鹽井衛玉遣百戶毛海誘縛其父

子送京師誅之盡降其眾

六月西平侯沐英卒諡昭靖

英先後鎮雲南十年。威惠並著。嘗入朝。帝勞之曰。使我

高枕無南顧憂者。汝英也。及是卒。軍民巷哭。遠夷皆為

流涕。追封黔寧王。

英沉毅寡言笑。好賢禮士。撫卒伍有恩。未嘗妄殺。在滇。百務具舉。簡守令。

課農桑。墾屯田。百餘萬畝。滇池隘。浚而廣之。通鹽井之利。以來商旅。民以便安。子春。

字景春。景晟。字

茂。昂。字景高。相繼鎮守。

秋。七月。高麗李成桂逐其君瑤而自立。

成桂在國。威權日盛。瑤雖為所立。慮禍必將及已。與近

臣圖之事泄。成桂遂逐瑤而自立。

王氏自五代時得國。傳數百年。至是遂絕。

尋以國人表請命。帝以高麗僻在海隅。非中國所治。詔

聽之。既而成桂又請更國號。帝命仍古號曰朝鮮。

改詹事院為府。

先是東宮官設詹事院。多以大臣領之。不置僚屬。至是。

改院爲府。設詹事。

秩正三品。

及少詹事。

正四品。

等官。

左右春坊各設大學。

士。庶子及諭德。中允。贊善。司經局。設洗馬。其外又有司直。司諫。清紀。隨時設之。不常置。

竄哥嵐州學正吳從權。山陰縣教諭張恒。于遠方。

從權。恒。給由至京。

明史百官志。凡內外官給由。吏部考功司掌之。三年初考。六年再考。並引

請。九年通考。奏請。綜其稱職。不稱職。而黜陟之。帝召問民間疾苦。從權。恒。皆言

職在課士。民事無所知。帝曰。宋胡瑗教授蘇湖。設經義

治事二齋。兵農水利。無不兼之。當時得人稱盛。爾二人

既不通世務。罔識民情。則平日所教何事。生徒中縱有

人材。亦爲爾輩所壞矣。遂命竄之遠方。且榜示天下學

校。以爲鑒戒。

八月給公侯歲祿。

初帝賜勲臣公侯丞相以下莊田。多者百頃。又賜諸武臣公田。以其租入充祿。勲臣莊佃多倚威干禁。帝每召諸臣戒諭之。至是給歲祿。歸賜田于官。

九月立孫允炆爲皇太孫。

允炆太子第二子也。

繼妃呂氏出。

既立爲太孫。帝命裁決庶

務。寬厚亦如太子。緣其意而有加焉。中外莫不頌德。帝

嘗

大怒。有所誅譴。退朝怒未已。太孫從容進曰。如得其情。哀矜勿喜。是或一道也。帝意解。邈者獲盜七。太孫目之。言于帝曰。六人者盜。其一非是。訊之果然。帝問何以知之。對曰。周禮聽獄。色聽爲先。此人眸子瞭然。顧視端詳。必非盜也。帝喜曰。

治獄貴通經。信然。

詔求精曉歷數之士。

傳稱寬則得衆。書云寬而有制。二者不可偏廢。必有制然後可行。其寬如建文。寬則寬矣。安能有制哉。及至削諸藩。似乎有制矣。而以冒昧行之。仍屬無制。則知其寬亦不過柔懦。無能之寬。而非有制之寬也。紀事者於建文多過譽。然亦豈能救其失國之咎哉。

其數往知來。試無不驗者。爵封侯。山東國子生周敬心

在德厚薄。不在歷數。陛下但當修德。皇神自傳萬世。何必問諸小技之人。又言。陛下連年北征。臣民皆以為欲得傳國寶。臣聞傳國寶出自楚平王。秦始皇名之曰璽。易曰。聖人之大寶曰位。何以守位曰仁。是知仁乃人君之寶。玉璽非寶也。昔者三代聖王。不知有璽。天下治安。享國長久。秦始皇制璽。不旋踵而亡。陛下奈何忽大璽而求小璽邪。又言。方今戶口雖多。而勞民者衆。倉廩雖實。而民窮者多。教化博而民不悅。法度嚴而民不從。昔汲黯言于漢武帝曰。陛下內多欲而外施仁義。奈何欲效唐虞之治乎。今國則願富。兵則願強。土地則願廣。人民則願衆。于是多取軍卒。廣積稅糧。征伐不休。營造無極。如之何其可治也。又言。洪武十二年。欽錄天下官吏。十三年。連坐胡黨。十九年。逮官吏積年為民害者。二十三年。大戮京民。妄立罪名。不分臧否。豈無善良。偶入註誤之中者。昔漢時誤殺一孝婦。東海枯旱三年。方今四方水旱。未臻大稔。未必不出殺戮無辜。感傷和氣之所致也。疏入。帝頗採納其言。

以方孝孺字希直。一字希古。寧海人。克勤之子。為漢中教授。

紀此者蓋謂明祖有先見耳。若果有先見，一立棟而諸禍自消，何必留一迂儒令輔庸孫而成靖難誅夷之慘？是大不然矣。

小過本不至于逮繫，但既以屬吏則罪有宜出朝廷。若因部民伏闕乞留，還為縱遣，是黜陟之柄編氓轉得而操之，成何政體？則祖于此且加以賞賚，起擢不重導之作奸，倘猶吏刁民窺見意指，交通惑聽，流弊伊於胡底？國法吏治不因

孝孺少好學，恒以明王道致太平為己任。十五年，以吳沈薦召見。帝喜其舉止端整，謂太子曰：「此莊士，當老其才。」禮遣還。至是，又以薦召至。帝曰：「今非用孝孺時。」除漢中教授。蜀王椿聞其賢，聘為世子師，名其讀書之廬曰正學。

冬十二月，徵安陸知州余彥誠。德興人。下吏尋釋之。

彥誠以徵稅愆期逮。州民楊么等伏闕乞留。帝賜宴遣還。么等亦預宴。時帝操重典繩羣下，守令坐小過輒逮繫。其部民走闕下乞留，旋遣還，且加賞賚。有因以起擢者。

癸酉二十六年春二月，涼國公藍玉以罪誅。

王有勇略。數總大軍。多立功。帝遇之厚。寢驕蹇自恣。多畜莊奴假子。乘勢漁獵。嘗占東昌民田。御史按問。王捶逐御史。北征還。夜扣喜峯關。關吏不卽納。王縱兵毀關入。帝聞之不樂。又以私元主妃事。事見前。鑄其過于券。王猶不悛。及西征歸。皇太孫立。以王兼太子太傅。而馮勝傅友德俱兼太子太師。王攘袂大言曰。我固不當爲太師邪。比奏事。多不聽。益快快。語所親曰。上疑我矣。至是。錦衣衛指揮蔣瓖告王謀反。廷鞫之。獄詞云。王與鶴慶侯張翼。臨淮人。普定侯陳桓。濠人。景川侯曹震。舳艫侯朱壽。東莞伯何榮。真之子。及吏部尙書詹徽。字資善。同之子。戶部侍郎傅友文等。謀爲變。將同帝出藉田舉事。獄具。族誅之。

太子在東宮即有以藩王
有不臣之心爲言者觀此
則可知建儲建藩之可行
不可行矣然燕王在洪武
時未有不臣之迹即或
除懷人其言必甚秘密亦
豈燕王所能窺測其密告
太子之言惟見于永樂實
錄或出當日史官附會否
則王謬爲是言以煽亂亦
未可知總之明祖若無建
儲建藩之事繁論又何由
而起哉

列侯以下坐黨夷滅者萬五千人于是元功宿將相繼

盡矣

王常遇春妻弟懿文太子元妃常氏遇春女也以故太子遇王厚王初征納克楚還言于太子曰臣

觀燕王

在國陰有不臣心又聞望氣者言燕有天子氣

殿下

宜審之太子曰燕王事我甚恭謹王曰殿下遇臣

厚故

敢布惻忱燕王聞而銜之及太子薨燕王來朝帝

問曰

民間近謂朕若何對曰諸公侯縱恣無度不誅將

有尾大

不掉憂帝由此愈疑忌功臣王歸不數月而王禍作

三月命晉王櫓燕王棣節制山西北平軍事

詔二王軍中事大者方以聞宋國公馮勝潁國公傅友

德並受節制

夏四月詔有司賑饑毋俟報

旱詔羣臣言事理獄囚

秋七月甲辰朔日食

九月以鄭濟

浦江人。宋鄭綺七世孫。

為左庶子。王懃

浦江人。

為右庶

子。

初東宮官屬缺。命廷臣舉孝義篤行之士。尚書嚴震直

字子敏。鳥程人。

以浦江鄭氏對。

義門鄭氏。見前。

帝曰。朕素知鄭。更聞其

里王氏。力行鄭氏家法。

初。浦江王澄慕義門鄭氏家法。命其子效之。澄卒。子三人。能承

父志。同居無間言。

可用以勵天下。乃徵兩家子弟詣闕。濟懃遂

並拜官。

鄭氏自其七世祖綺至濟兄弟。累世同居。幾三百年。胡惟庸之獄。有告鄭氏交通者。濟兄濂。湜

爭入獄。帝聞。特召見。立擢湜福建參議。命舉所知。湜舉

王澄。孫應以對。亦授參議。應。懃從兄也。及是。濟懃又並

授東宮官。天下榮之。王

氏之名。遂與鄭氏埒云。

十二月。戶部奏是歲天下戶口之數

戶一千六百五萬二千八百六十口。六千五十四萬五

印七卷之五

明太祖皇帝

千八百十二

甲戌二十七年春正月發天下預備倉穀貸貧民。

三月命工部藏兵甲。

帝以四方底定。命工部收兵甲。裹而藏之。示弗復用。

秋八月遣使修天下水利。

帝諭工部。湖堰陂塘。可蓄洩以備旱澇者。皆因地勢修治之。乃分遣國子生遍詣天下。督修水利。凡開塘堰四萬九百八十七處。

九月命禮部議旌表例。

日照縣

金置。今縣屬山東沂州府。

民江伯兒。母病。割脇肉以療。不愈。

禱岱嶽祠。誓以母病愈。當殺子祀神。已而母病果愈。竟

殺其三歲子。山東守臣以聞。帝怒曰。父子天性。小民無知滅倫害理。亟宜治罪。遂逮伯兒。杖之百。遣戍海南。因下禮官議旌表例。議曰。臥冰割股。前古未聞。皆由愚昧之徒。務爲詭異。希求旌表。割股不已。至于割肝。割肝不已。至于殺子。違道傷生。莫此爲甚。自今臥冰割股。聽人子所爲。不在旌表之例。制曰可。

冬十一月。賜潁國公傅友德死。

友德身冒百死。自偏裨至大將。每戰必先士卒。以故所至立功。二十五年。友德請懷遠田千畝。帝不悅曰。祿賜不薄矣。復侵民利。何居。爾不聞公儀休事邪。及是。竟賜死。未幾。定遠侯王弼亦賜死。

友德與藍玉先後同統兵俱有功。及玉誅。友德內懼。

王弼謂曰。上春秋高。旦夕且盡。我輩奈何。帝聞之。故友德與弼皆死。

乙亥二十八年春正月。越州蠻復叛。西平侯沐春討平之。

阿資屢降屢叛。春與都督何福鳳陽人率師營越州城北。

伏精兵道左。以羸卒誘賊。賊悉衆出。伏起。大敗之。阿資

亡山谷中。春詗知所在。樹壘斷其糧道。已出不意。擣其

巢。遂擒阿資。斬之。俘其黨。越州平。

二月。賜宋國公馮勝死。

勝自金山歸。不復將大兵。數以細故失帝意。藍玉誅之。

月與傅友德自山西召還。至是亦賜死。勝嘗築稻塲。瘞

礮之。取有鞞鞞聲。走馬其旁。以爲樂。邑有樊父者。勝兄

國用妻家也。有所干索于勝。勝不予。樊父遂告勝家居

不法。場下悉瘞兵器。帝召勝。賜之酒。曰。朕不問也。勝是夕暴卒。

秋八月命都督楊文等討龍州

龍州土司也。洪武初其酋趙貼堅歸附。詔以爲知州。許世襲。貼堅死無子。從子宗壽當嗣。會常茂以罪戍州。貼堅妻黃以愛女子茂爲小妻。擅州事。無何茂病死。黃與宗壽相告訐。帝以遠人釋不問。宗壽卒得嗣。已而或構蜚語言茂匿龍州實不死。宗壽知狀。帝怒命宗壽捕茂并諭都督府檄宗壽詣闕。宗壽懼遷延不敢出。廣西守臣奏宗壽抗命。且言奉議諸蠻。奉議州宋置明改衛今仍爲州屬廣西鎮安府皆梗化。乃以文爲征南將軍指揮使韓觀。字彥賓虹人都督僉事宋晟。字景陽定遠人爲副發江湖廣諸衛兵討之。復命致仕尙書唐鐸往諭宗壽。文等師未至鐸還奏茂實前

死。宗壽亦伏罪請朝。乃罷征龍州。令文等移師討奉議諸蠻平之。

信國公湯和卒。諡襄武。

和晚年益為恭慎。入聞國論。一語不敢外泄。當時公侯諸宿將。先後麗法。稀得免者。和獨享壽考。以功名終。卒年七十。追封東甌王。

九月。頒皇明祖訓。

初。帝命儒臣編祖訓錄。其目十有三。曰箴戒。持守。嚴祭。祀。謹出入。慎國政。

禮儀。法律。內令。內官。職制。兵衛。營繕。供用。既成。帝自為之序。武在洪武六年。至是更

定。名曰皇明祖訓。頒示內外諸司。且諭曰。後世有敢言更制者。以姦臣論。毋赦。

恭慎不泄。所以功名終和之律已實高。出當時諸將上亦猶唐之李郭同建勳績。而子儀獨全令名也。明祖晚年於諸功臣多存疑忌。然如胡藍之獄。乃法所必誅。餘雖各有取禍之道。然往往林運不已。罪狀又多未分明。烏盡焉藏較之漢高尤為過甚也。

丙子二十九年春二月命燕王棣帥師巡邊。

先是寧王權言近者騎兵巡塞得北寇蹤跡恐有邊警。

帝乃命燕王棣揀精騎巡大寧全寧沿河南北覘敵所

在掩擊之既而棣至察察爾山舊作徹徹兒山今改遇敵大敗之。

擒其將布琳特穆爾舊作字林帖木兒又追敗哈拉固舊作哈刺兀今

並改後于烏梁海城而還。

秋九月大賚致仕武臣。

凡二千五百人悉召入朝大賚之復命各晉秩一級。

丁丑三十年春二月白虹亘天貫日。

夏五月壬子朔日食。

命楚王楨湘王柏帥師討古州叛蠻。

先是古州蠻林寬作亂陷龍里

元寨置長官司今司屬貴州黎平府

守將

吳得井孚戰死

事聞詔皆恤贈

帝以齊讓為平羌將軍討之既

而寬犯新化

明初置府後廢今為長官司屬黎平府

攻平茶

明守禦所今廢故城在黎

平府

勢益熾乃命楚王楨帥師湘王柏副之由黔陽

注見

前

辰溪隋縣今屬湖南辰州府

進勦二王不臨軍而請餉三十萬

帝屢詰責之以讓逗遛不進命都督楊文充總兵官往

代文未至讓俘寬以獻帝卒誅讓命文討寬餘黨悉平

之

時貴州水西土酋居宗必登等亦叛帝命顧成會何福等討之成擊斬數千人必登遠遁成以計擒其黨

魁並誅之

水西平

水西注見前

六月策試禮部下第舉人

是春會試北士多黜落既廷試諸生上言考官劉三吾

自信蹈。皆南人。私其鄉。帝怒。命侍讀張信等覆閱下第卷。得六十一人以進。不稱旨。或又言三吾信蹈。囑信等故以陋卷呈。帝益怒。親試策問。擢武城人韓克忠爲第一。餘皆北士。信蹈及信等論死。三吾以老戍邊。先是會泰和宋琮爲第一。琮善易學。既登第。官檢討。悵然語人曰。翰苑當有厄。吾其竄乎。既而考官禍作。琮亦遣戍。

秋八月。汧縣吏高福興作亂。命征西將軍耿炳文討誅之。福興及縣民田九成等謀爲亂。教諭王樸知之。言于衛。衛發兵捕之。次陽平關。賊大集。逆戰。官軍敗。賊遂入略陽。殺知縣呂昌。焚徽州。殺學正顏敘彬。陝蜀番民皆響應。炳文時練兵陝西。帝命移軍討之。炳文駐文縣。遣將分道追勦。未幾。福興就擒。并獲其黨。悉誅之。

九月平緬蠻刀幹孟逐其宣慰使思倫發詔沐春討之。

平緬部長刀幹孟叛。

平緬俗不好佛。會有僧自雲南至。思倫發尊信之。又有金齒戍卒。逃

入其境。思倫發喜其技能。俾繫金帶。攻騰衝。思倫發走與僧俱位諸部長上。刀幹孟怒。故叛。

雲南沐春送至京師。帝憫之。命春與何福等討幹孟。遣

思倫發還。諭春先以兵送之金齒。檄幹孟來迎。不應。乃

遣何福等將兵五千踰高良公山。

亦曰高黎共山。又名崑崙岡。在永昌府騰

越州東。蒙氏時。僭封西嶽。

直擣南甸。

元路明置府。又改州。今為宣撫司。屬永昌府。

大破之。

斬其酋刀名孟。同軍擊景罕寨。

在永昌府潞江安撫司西南。

賊憑高

堅守。官兵糧且盡。福告急。春帥五百騎救之。乘夜渡潞

江。

亦曰怒江。以波濤洶湧故名。源出吐蕃西南流。經麗江。永昌諸府界。下流至緬甸。入南海。蒙氏僭封四瀆

之連破二寨。幹孟乞降。帝不許。

既而春卒。幹孟竟不降。何福帥兵討之。擒斬幹

孟思倫發始歸平
綱。事在明年。

戊寅三十一年夏五月帝不豫。

臨朝決事如平時。

命都督楊文從燕王棣武定侯郭英從遼王植備邊開平。

俱聽燕王節制。

考明太祖實錄是年五月命燕王棣遼王植備邊開平成祖實錄則云是年五月太祖

祖不豫遣中官召王已至淮敕令歸藩二書一言令王北行一言召王南來俱在是年五月予盾殊甚蓋成祖實錄所載皆舉兵後之飾辭其後史官遂筆而書之不足為據今依太祖實錄特書此條以証成祖實錄之妄皆類此。

閏月帝崩。

遺詔皇太孫允炆仁明孝友天下歸心宜登大位諸王臨國中毋至京師。

太孫允炆即位。

以明年爲建文元年。

詔行三年喪。

羣臣請以日易月。帝曰。朕非效古人亮陰不言也。朝則麻冕裳。退則齊衰杖經。食則饘粥。郊社宗廟如常禮。遂命定儀以進。

葬孝陵。

在江寧府上元縣東北朝陽門外當鍾山之陽。今設陵戶守衛。禁樵牧。

七日而葬。遵遺詔也。諡曰高皇帝。廟號太祖。

時諸王尙未聞喪。遂

援遺詔。止毋會葬。

明史贊曰。太祖崛起布衣。奄奠海宇。西漢以後所未有也。懲元政廢弛。治尙嚴峻。而能禮致耆儒。考禮定樂。昭揭經義。尊崇正學。修人紀。重風教。五府六部。官職相維。置衛屯田。兵食俱足。武定禍亂。文致太平。太祖實身兼之。

詔文臣五品以上及州縣正官各舉所知。

非其人者坐之。

六月省州縣汰冗員。

戶部侍郎卓敬請徙封燕王棣于南昌。不聽。

世人多以卓敬徙封之疏比之曲突徙薪而以建文不從爲惜然不久而有顧黃子澄東角門之語殊自相矛盾然敬此論若在洪武朝與請正名分之議並陳明祖或能採而行之永嘗不可預防後患至建文旣立燕藩久蓄異謀誠使敬說果行亦不過速之反耳夫以燕王智慮過人非能束手受制者觀後此寧王權奉召不至卽能不動

敬密疏言燕王知慮絕人酷類先帝北平形勝地士馬精強金元所由興也宜徙封南昌萬一有變亦易控制疏入翌日帝召謂敬曰燕王朕骨肉至親卿何得及此敬叩頭曰臣所言天下大計願陛下察之帝曰卿休矣事遂寢。

召方孝孺爲翰林院侍講。

帝在東宮時素聞孝孺賢及卽位自漢中馳驛召還日

聲色襲而執之徒封內地
則敬之所為深謀秘計固
不能出燕王算料之中矧
當身處危疑顧肯俯首聽
人牽掣乎

太孫初立正龍潛養德之
時况明祖尙猶在御即諸
王擁兵於外有何屬尊地
偏可疑而向官寮商榷
全良策實非儲貳所宜言
子澄承問自當對以正道
並舉睦親大義懇切敷陳
以弭將來嫌釁乃竟預籌

侍左右備顧問讀書有疑即使講解臨朝奏事臣僚面
議可否或命孝孺就展前批答之

以齊泰

溧水人初名德太祖賜名泰

為兵部尚書黃子澄

名湜以字為行分宜人

太常寺卿參預國事

泰習邊事初為兵部侍郎太祖嘗問邊將姓名泰歷數
無遺又問諸圖籍出袖中手冊以進簡要詳密大奇之
子澄先以翰林院修撰充東宮伴讀時帝方立為太孫
一日坐東角門謂曰諸王尊屬擁重兵奈何對曰諸王
護衛兵僅足自守倘有變臨以六師其誰能支漢七國
非不强卒底滅亡順逆之理異也至是遂命泰與子澄
同參國政時燕周齊湘代岷諸王相煽動流言聞于朝

控制之術且引漢家七國故事同例並稱以逆斷諸王之必反其輔導東宮處人骨肉實兩失之建文踐位未幾遽以憶書東角門之言為詢則其處心積慮誠不免過事猜防母怪貽人口實也

強藩難制當時自莫如燕周齊湘代諸王不過驕縱自恣初非有覬覦之心如吳淩楚戊比且有勵自首其父此在平民亦不宜聽而仍當置之於法者乃欲借以剪燕羽翼先削周王湖廣復相繼罪廢實為非

帝謂子澄曰先生憶昔東角門之言乎對曰不敢忘秋七月長星西隕

詔行寬政赦有罪蠲逋稅

周王橚有罪廢為庶人

橚子有勵告橚謀不軌辭連燕齊湘三王帝問齊泰黃

子澄泰欲先圖燕子澄曰不然周齊湘代岷諸王在先

帝時多不法今告變者已在周矣莫若先取之周燕之

母弟削周是剪燕之手足而燕可圖也謀定乃命曹國

公李景隆

文忠子小字九江

以備邊為名猝至開封圍王宮執

之以歸帝尋欲釋之泰子澄不可未決出相語曰上婦

人之仁耳事勢如此安可不斷明日復言之乃廢橚為

日聞重傷親誼致諸藩人
人自危矧燕王八音異謀
疑與益深適以促其禍亂
謀之不臧并不止毫釐干
里之謬矣且齊黃既知建
文之爲婦人之仁而已又
實無撥奮之能害人家國
自貽伊戚雖一死豈足以
謝天下哉

分封本非良法賈誼衆建
之謀主父偃推恩之策亦
不過書生紙上談兵節未
雨綢繆何恐不足收制駭
親藩之效況惠帝時積釁
已成禍患近在眉睫高巍
此意燕王豈能降心相從

庶人竄蒙化諸子皆別徙。

八月詔天下衛所軍單丁者放爲民。

冬十月熒惑守心。

前都督府斷事

百官志五軍都督府俱設斷事官秩從五品

高巍

遼州人上書言

時政。

魏在洪武時以孝行旌試都督府斷事尋謫戍貴州及

帝卽位赦還遼州知州王欽辟巍應詔時用事者方議

削諸藩巍獨上書請加恩

畧曰高皇帝分封諸王比之

驕逸不法違犯朝制不削則朝廷紀綱不立削之則傷

親親之恩賈誼曰欲天下治莫若衆建諸侯而少其

力力少則易使以義國小則無邪心今盡師其意勿施

權不削而自削矣人魏觀問賢者上詔褒賞之驕逸違制者初犯容之再犯

節從之而好亂樂禍如高
煦者亦安能保其不相助
為逆耶魏惟遲其筆墨大
言不慙實無益於國事觀
其自請詣燕上書不報遂
自按歸則其空言無濟舉
可見矣

赦之。三犯不改。則告大廟。
廢處之。豈有不順服者哉。
師起。魏請使燕軍。說令休兵歸藩。代朝廷十萬師。帝壯
其言。許之。魏至燕。自稱國朝使士。上書燕王。極陳禍福。
且言大喪未終。毒與師旅。其與夷齊。秦伯讓國求仁之
義。不大徑庭乎。雖大王有肅清朝廷之心。天下不無篡
奪嫡統之議。即幸而不敗。謂大王何
如人哉。書屢上。不報。遂自拔南歸。

頒示御史尹昌隆

字彥謙泰和人

諫疏于天下。

帝有疾。晏朝。

昌隆疏諫。

畧曰昔太祖高皇帝。鷄鳴而起。昧爽而朝。百官戒懼。不敢稍怠。

陛下嗣膺大業。宜追繩祖武。未明求衣。日昃忘食。今乃即于晏安。日上數刻。猶未臨朝。恐自此上下懈弛。曠職廢業。非社稷福也。左右請以疾諭之。帝曰。直諫難得。何可沮也。

其以疏宣示天下。使咸知朕過。

十二月。賜天下明年田租之半。

以工部侍郎張曷

澤州人

為北平布政使。都指揮使謝貴。張

信。臨淮人。掌北平都司事。

自帝為太孫。中外屬望。獨燕王棣心不平。常懷窺覷。及

即位。削藩議起。僧道衍勸棣為逆。棣曰。民心向彼。奈何。

道衍曰。臣知天道。安問人心。乃進相士袁珙。鄞人。善相術。棣召見。

珙諦視曰。龍行虎步。日角挿天。太平天子也。年四十。鬚

過臍。即登大寶矣。已見藩邸諸校卒。皆許以公侯將帥。棣由此益自喜。逆謀遂決。及卜者金忠。鄞人。善易卜。自是棣陰事一切與

道衍謀。棣居元故宮。道衍練兵後苑。穴地作重屋。周繚厚垣。密鑿甌瓦缶。日夜鑄軍器。畜鵞鴨亂其

聲。久之。事益露。上變者日甚。帝問齊泰黃子澄。子澄曰。

先發者制人。請討之。泰曰。今方有邊報。但當以防邊為

名。發軍戍開平。護衛精銳。悉調出塞。羽翼既除。雖欲為

變。不能矣。帝然之。乃更置守臣。並受密命。伺察燕事。尋命

都督宋忠師兵屯開平。以燕護衛卒
隸之。又調北平二衛于彰德諸處。

惠皇帝

已卯建文元年春正月修太祖實錄。

以禮部侍郎兼翰林院學士董倫字安常恩縣人等為總裁官。
侍講方孝孺副之。徵布衣楊士奇名寓以字行泰和人等充編纂官。

二月追尊皇考曰孝康皇帝。

廟號興宗。妣常氏為孝康皇后。

尊母呂氏壽州人太常卿本之女為皇太后。立妃馬氏光祿少卿全之女為

皇后。子文奎皇后出為皇太子。

封弟三人為王。

設官原以董事豈係名目且當時事更有大於此者顧乃汲汲更定徒資靖難口實不亦大可笑乎且孝孺既稱信用削藩大事何乃無一言而但以復古議禮為已任耶蓋紀事者多右孝孺而以削藩之罪歸之齊黃孝孺未至齊黃之甚則有之謂之無過則不可

更定官制

允熲吳王允熲衡王允熙徐王俱不之藩

用方孝孺等議內外品官階勲悉倣周禮更定殿閣大學士並

去大字升六部尚書為正一品設左右侍中位侍郎上

改都察院為御史府都御史為御史大夫罷十二道為

左右兩院通政使司為寺大理寺為司詹事府增置資

德院翰林院復設承旨改侍讀侍講學士為文學博士

設文翰文史二館文翰以居侍讀侍講文史以居又撰

修撰編修檢討餘內外大小諸司悉有所更定

禮制頒行天下然無濟實事徒為燕王棣藉口

命刑部侍郎暴昭潞州人戶部侍郎夏原吉字維詰其先德與人徙湘陰

等充採訪使分巡天下

使凡二十四人敕獎廉平黜貪墨便宜行事昭至北平

得燕王棣諸不法狀密奏之請預為備

三月京師地震

夏四月。湘王栢自焚死。齊王搏代王桂有罪。廢為庶人。

栢膂力過人。握刀繫弓矢。馳馬若飛。至是有告其反者。

帝遣使即訊。栢焚其宮室。彎弓躍馬。投火中死。栢累歷

塞上。以武功自喜。時與燕通。為府中人所告。會代邸亦

上變。乃廢二王為庶人。錮搏京師。幽桂大同。戶部侍郎郭任以朝

廷不先圖燕而徒削奪諸藩。乃上言。天下事先本。後末則易成。今日北討周。南討湘。舍其本而末是圖。非策也。且兵貴神速。苟曠日持久。銳氣既竭。姑息隨之。所謂强弩之末。勢不能穿魯縞。徒坐自困耳。帝不能從。郭任丹徒人。

遣燕世子高熾及其弟高煦。高燧還北平。

太祖崩時。燕王棣遣三子入臨京師。高煦勇悍無賴。其

舅徐輝祖

達之子。燕王妃徐氏。達女也。

切戒之。不聽。至是。棣稱病。乞

三子歸。齊泰欲遂收之。黃子澄曰。不若遣歸。使彼不疑。

因遣還。棣喜曰。吾父子復得相聚。天贊我也。

高煦。潁行。入輝祖殿。

盜善馬徑去。輝祖追之。已渡江矣。途中輒殺吏民。至涿州。又殺驛丞。于是朝臣舉以責燕。燕謀益急。

六月。岷王榑有罪。廢為庶人。

西平侯沐晟奏榑不法。廢為庶人。徙漳州。

秋。七月。燕王棣舉兵反。

棣以僧道衍為謀主。護衛張玉

字世美。祥符人。朱能。懷遠人。為爪

牙。選將校。勾軍卒。部署已定。問道衍師期。對曰。未也。棣

始稱病。既稱病篤。

或佯狂赴市。奪飲食。或卧土壤中。大暑圍火爐。猶搖首顫曰。寒甚。會

燕山衛百戶倪諒告變。帝下詔讓棣。遣中官逮王府僚

燕王棣。建文既立。即萌覬覦。其禍變本難於消遏。建文心存疑畏。必欲去此隱憂。又不能制其死命。勢既孱弱。不振而所持以為畫謀策者。又不過一二迂儒。黃子澄先發制人之議。徒

然言大而夸其實毫無部
署齊秦藉防邊而調戍並
密為伺察更置守臣方以
周防為得計而其所倚以
謀燕者惟責之謝貴張昺
張信諸人信既反覆不忠
貴昺則漫不審慎取之如
縛孤豚大事一去而不可
復挽總由齊黃智識庸淺
不知燕王之沉鷺雄毅長
於用兵竟爾視為小敵動
輒以輕心掉之既乏運籌
決勝之長並昧知彼知己
之智不自度德量力而毅
然身任不疑誤國之愆二
人實無可辭耳

晉陽之甲以清君側為名
七國之反以誅鼂錯為名

屬北平都指揮使謝貴布政使張昺以軍士列九門防
守都指揮張信叛附于棣以情輸之信與貴昺同受密
敕擒棣信母知之
以為不可信乃三造棣府辭不見于是乘婦人輿入拜
床下棣佯為病風不言信曰王果有恙耶今朝廷敕臣
執王宜早為計棣聞信言覺其誠呼為恩張下拜曰生我一家者子也棣乃用道衍計令

張玉朱能潛納勇士八百人入府守衛及朝使至棣偽

縛官校置庭中給貴昺人執殺之張玉等率勇士奪九

門燕府長史葛誠護衛指揮盧振初皆與貴昺謀誅棣

至是並遇害夷其族伴讀余逢辰字彥章宣城人泣諫殺之參

政郭資武安人副使墨麟僉事呂震字克聲臨潼人並降棣棣乃

上書于朝指齊泰黃子澄為奸臣請入清君側遂自署

官屬稱其兵曰靖難尋陷薊州奪居庸關破懷來都督

大抵亂臣賊子必有說以爲兵端燕王之稱靖難亦猶是也明季諸臣曲爲尊親之諱凡紀燕事必以靖難時書之言之不順殊乖徵實于初起時直載其軍其餘所有靖難之名既行刊削庶知一時所托稱爲千秋公論所不予而順逆之理益以昭矣

宋忠戰敗死之。于是通州遵化永平密雲諸守將皆以城叛。衆至數萬。

谷王穗自宣府奔京師。

宣府地近北平。燕兵旣破懷來。宣府震恐。穗棄其國。走還京師。

詔削棣屬籍。命長興侯耿炳文帥兵討之。

棣反書聞。帝告太廟。削棣屬籍。廢爲庶人。詔示天下。以

炳文太祖時宿將。拜征虜大將軍。

時開國勲臣多已物故。獨炳文尚在朝廷。

倚重。然年已六十五矣。

駙馬都尉李堅。都尉甯忠副之。帥師討燕。

尋命安陸侯吳傑。江陰侯吳高。

良之子。

都督耿璫。

炳文之子。都

指揮盛庸。

史無里系。

等分道並進。設平燕布政于真定。以暴

昭掌之。

棣既反。齊秦黃子澄益慷慨任事。請聲其罪。以致討。或難之。秦曰。名其爲賊。敵乃可克。言正言

順。又何疑焉。自是命將興師。皆二人主之。

八月。耿炳文及棣戰于滹沱河北。敗績。

炳文次真定。使先鋒九千人駐雄縣。值中秋。不設備。燕將張玉夜半疾驅襲陷之。又陷鄭州。炳文部將張保叛。

降于棣。時大兵號三十萬。先至者十三萬。分營滹沱河。

南北。棣欲與北軍戰。懼南軍乘之。乃縱保歸。揚言燕王

率兵且至。誘炳文移軍盡北渡河。棣率張玉譚淵

清流人。

等循河躡擊。炳文軍不得成列。大敗。喪師三萬。副將李

堅甯忠都督顧成皆被執。炳文退保真定。棣圍之三日。

以炳文老將。未可克。乃引去。

用武之際非如翰苑賡歌
以通典故爲尙也卒之憤
輟敗事頽沲何嗟及哉

召耿炳文還以李景隆代之

炳文敗帝商代者黃子澄薦曹國公李景隆

景隆讀書通典故與

方孝孺友善有名公卿間故子澄薦之

齊泰極言不可帝不聽賜景隆通

天犀帶親爲推輪餞之江汴景隆至德州收集炳文將

卒并調諸路兵五十萬進營河間當是時帝傾國兵以

畀景隆謂燕可旦夕破棣聞之顧大喜曰昔漢高止能

將十萬景隆何才乃以五十萬付之是自坑其衆也吾

破之必矣會吳高耿獻楊文方圍永平棣語諸將曰景

隆知我在此必不敢至不若往援永平以致其師吳高

怯不敢戰聞我至必走是我一舉解永平圍而破景隆

也遂帥師援永平吳高盡棄輜重走退保山海關景隆

親親之說固所以申篤宗盟若叛逆已形便為獲罪廟社即其喻況請罪苟不宜復顧親况燕王挾譽稱兵更非區區通問推恩所可冀封禮嫌而弭患又其時王嗣屢敗燕勢日強韓郁尚欲勸其罷兵守藩實為必無之理至所云與滅繼絕封墓釋囚還周王迎楚蜀命各世子持書修好尤全不達事體之言其識見與兒童何異真不值一噓耳

知燕兵出果直薄北平城下築壘九門燕世子高熾堅守夜遣勇士縋城出斫營營中驚擾驟退都督瞿能攻張掖門即今西直門垂克景隆忌能功令止之燕人夜汲水沃城明日冰凝不得上御史韓郁上言諸王親則手足尊則陛下叔父乃豎儒偏見病藩封太重景慮太深于是周王既廢湘王自焚齊代相繼被摧為計者必曰兵不加則禍必稔今燕舉兵兩月矣前後調兵不下五十萬而一矢無獲將不效謀士不效力徒使中原赤子困于轉輸民不聊生日甚一日臣恐陛下之憂方深也諺曰親者割之不斷疎者屬之不堅此言深至理顯陛下少垂鑒察與滅繼絕釋代王之囚封湘王之墓還周王于京師迎楚蜀為周公俾各命世子持書勸燕罷兵守藩慰宗廟之靈明詔天下篤厚親親宗社幸甚不聽

冬十月棣誘執寧王權奪其眾及朶顏三衛歸北平

權國大寧大寧東連遼左西接宣府為巨鎮所屬朶顏

三衛騎兵皆驍勇善戰。燕兵起。朝廷慮權與燕合。召權及遼王植歸京師。植泛海還。權不至。坐削護衛。棣聞之喜。爲書遺權。至是以單騎入大寧。詭言窮蹙求救。執權手大慟。求代草表謝罪。而陰令吏士結三衛部長及諸戍卒。及辭去。權祖之郊外。伏兵起。擁權行。三衛驍騎及諸戍卒一呼畢集。守將朱鑑不能禦。力戰死。王府妃妾世子皆隨入松亭關。歸北平。棣以其衆分隸各軍。大寧城爲空。

十一月李景隆及棣戰于鄭村壩。

在順天府大興縣東。

敗績奔德州。

諸軍方圍北平。燕兵乘勝抵城下。城中兵鼓譟出。內外夾攻。諸軍皆潰。亡士卒十餘萬。明年春。棣兵陷蔚州。

見注。

前攻大同使景隆疲于奔命景隆自紫荆關在易州西

陰陘也地記太行第七陘為蒲陰宋時謂之金陂關金元以來始名紫荆赴援燕兵已旋居

庸官軍多凍餒死者不見敵而還

罷兵部尚書齊泰太常寺卿黃子澄

棣以前所上書不報再上書請去泰子澄帝為罷二人

以謝燕陰留之京師仍參密議

庚辰二年春正月均江浙田賦

初太祖時屢蠲蘇松嘉湖極重田賦事具前至是帝復下

詔減免畝不得過一斗後永樂中盡革帝政浙西賦復重

夏四月李景隆敗棣于白溝河再戰景隆敗績奔德州

景隆大誓師于德州會武定侯郭英安陸侯吳傑等合

軍六十萬。進次白溝河。列陳數十里。棣先營蘇家橋。

在霸

州東文安縣北。

已由西北循河而進。都督平安

潞人。

預伏兵河

李景隆授鉞北征。統率至數千萬。又有瞿能平安諸良將並列。偏裨使能奮勇爭先。長驅直入。或望可奏膚功。顧庸怯。無能又復心存媚嫉。北平華克輒以忌功阻。止致城守復壁白溝。大戰燕王矢盡。劍折。逸走。

側棣至。伏發。安挺矛直前。瞿能父子亦奮擊。所向披靡。戰至暝。棣以三騎遁。迷失道。下馬伏地。視河流辨東西。始知營壘所在。是日也。棣幾殆。安失馬百餘匹而已。明日再戰。能及安擣燕將房寬陣。敗之。景隆揮騎繞出棣後。大戰良久。景隆軍飛矢如雨。棣三易馬。矢盡。揮劍。劍折。阻于隄。幾為瞿能所獲。力走登隄。佯引鞭招後繼者。景隆疑有伏。不敢前。會高煦救至。棣乃得免。比日晡。能復引眾搏戰。大呼殺賊。指揮俞通淵

通海之弟。

滕聚俱以兵赴之。會旋風起。折景隆大將旗。陳動。棣以勁騎繞其後。

登隄乃不知乘銳追擒轉
因設疑相誑畏縮不前使
得遇救潛逃卒之引衆復
回遂至一敗不可復振核
其縱敵負國之罪實當正
刑章乃惠帝僅召還朝
而練子寧等連疏糾彈竟
爾置之不問迨金川失守
景隆遂首出迎降惠帝之
庸於此益見矣

乘風縱火烟焰漲天能父子及通淵聚皆死安與朱能
戰亦敗官軍大亂奔聲如雷郭英潰而西景隆潰而南
盡棄其所賜璽書斧鉞走德州

五月棣陷德州進攻濟南

燕兵乘勝進攻德州未至景隆先奔燕兵入城得糧儲

百餘萬石勢益張參政鐵鉉

鄧州人

趨濟南

時高巍自燕還與鉉遇臨

邑值五日誓酒同盟遂偕入

臨邑漢縣今屬濟南府

與都督盛庸等誓以死守

景隆往依之燕兵遂攻濟南時景隆兵在城下者尙十

餘萬棣乘其未陳馳擊之景隆大敗南走帝用齊泰貴

子澄計遣使議和以緩之棣不聽

帝命尙寶司丞李得成如棣軍諭罷兵棣

不從得成遂附于棣

尙寶司洪武初置掌符璽卿秩正五品少卿從五品丞正六品

射書城中

諭降。不下。棣堰水灌之。鉉乃佯令守陴者皆哭。撤守具。出居民于城外。伏地請降。預懸鐵板城門上。伏壯士闔堵中。候棣入。下板擊之。別設伏。斷城外橋。棣聞濟南降。大喜。以其地當要會。得之。斷南北道。則江淮可圖也。遂下令受降。翌日。乘馬張蓋。鼓吹徐行。至城門。軍士失約。棣未入。板驟下。傷棣馬首。急易從馬奔。及橋。伏兵起。橋倉卒不可斷。遂得逸。棣憤甚。築長圍。晝夜攻之。鐵板詐降之說。出明李賢古穰雜錄。國史考異以爲文皇善用兵。不應妄信輕率。若此。明舊史例議深以爲然。考賢在天順朝。去革除時未遠。功臣尙有在者。見聞必非無據。考異之說。爲成祖諱耳。何足深信。今仍依遜國記諸書採輯。

秋八月。承天門災。

方孝孺建議。改謹身殿爲正心殿。午門爲端門。端門爲

應門承天門爲臯門。前門爲路門。從之。

都督盛庸參政鐵鉉。擊敗棣兵于濟南。復德州。

時平安營單家橋。

在河間府獻縣南。爲南北通途。滹沱河之分流。黑龍港河經其下。

謀

出御河。奪燕餉舟。又選水卒五千人。渡河攻德州。鉉與庸乘夜出兵掩擊。燕衆大敗。解圍去。鉉等乘勝復德州。帝聞。擢鉉山東布政使。參贊軍務。尋進兵部尙書。封盛庸歷城侯。拜平燕將軍。于是庸進駐德州。吳傑平安守定州。徐凱屯滄州。相犄角以困北平。

九月。詔錄洪武功臣罪廢者。後

冬。十月。詔李景隆還。赦不誅。

御史大夫練子寧。

名安。以字行。新淦人。

宗人府經歷宋徵。御史葉

希賢

松陽人

並言。景隆失律喪師。懷二心。宜誅。黃子澄亦

請正其罪以謝天下。皆不聽。子澄拊膺曰。大事去矣。薦
景隆誤國。萬死不足贖罪。

十二月。盛庸大敗棣于東昌。斬其將張玉。棣遁還。

先是。棣襲滄州。執徐凱。斬萬餘級。降三千人。譚淵一夜
盡殺之。棣自長蘆渡河。至德州。遣人至城下。招盛庸。庸
堅壁不出。燕兵掠臨清。大名。越汶上。至濟寧。庸與鐵鉉
屯兵東昌。以邀之。棣率兵薄營。庸開陣縱棣入。圍之數
重。斬其驍將張玉。已而朱能率番騎來救。殊死鬪。翼棣
潰圍出。以百騎出館陶。引還北平。庸軍勢大振。自燕人
犯順。轉鬪兩年。鋒銳甚。至是。失大將。燕軍奪氣。其後定。

計南下。皆由徐沛。不敢復道山東。

辛巳三年春正月。復齊泰黃子澄官。

以東昌捷告太廟。命泰子澄任職如故。

三月盛庸敗棣于夾河。

在冀州武邑縣南。漳水分流也。又東入滹沱。

斬其將譚

淵。復戰敗績。

棣恥東昌之敗。意殆欲稍休。道衍力趣之。

謂棣曰。臣前言。師行必克。

但費兩日。兩日者。昌字也。自此全勝矣。

棣遂復率眾南出保定。盛庸營夾

河。棣將輕騎來覘。掠陣過庸。遣千騎追之。斬其將譚淵。

燕軍大挫。而朱能、張武

潯陽人。

等殊死鬪。棣自以鐵騎貫

陣。與能合。官軍稍却。日暮。各斂兵。棣以十餘騎逼庸營。

野宿。及明起視。已在圍中。乃從容引馬鳴角穿營而去。

燕兵犯順兩年所向無敵。惟盛庸東昌之捷大挫其鋒。燕軍遂爾却避。是庸之精于用兵。實非諸將所及。當燕王逼營野宿。且在圍中。庸豈得託言不知。使決計勦擒。易如唾手。乃次日。聽其鳴角穿營而去。且引母名殺叔父名之詔為解。惠帝固愚庸。豈不聞將在軍。君命有所不受乎。迨永樂篡立。庸爵位如常。則其陰懷二心。亦難免。春秋之

庸諸將皆以帝有詔。母使朕負殺叔父名。倉卒相顧。愕
眙不敢發一矢。明日復戰。棣軍東北。庸軍西南。自辰至
未。勝負畧相當。忽大風東北起。飛埃蔽天。庸軍面迎砂
礫。咫尺不辨物。棣兵縱左右翼橫擊。斬首數萬。庸大敗。
走德州。時吳傑平安。自真定引軍來會。聞庸敗。引還。棣
以計誘之出戰。傑安列陣。滹沱河南。棣率驍騎循河繞
出陣後。安發强弩射燕兵。矢集棣旗如蝟毛。死者甚衆。
亦遇大風拔樹。聲如雷。安遂敗。仍走入真定。庸之斬譚淵也。其麾
下驍將皂旗張楚智亦皆陷沒。皂旗張者名張能。力援
千斤。每戰揮皂旗先登。輒勝。軍中故以皂旗爲之名。戰
死時猶執皂旗不仆云。智
被執。棣欲降之。不屈而死。

貶齊泰。黃子澄諭棣罷兵。棣不奉詔。

帝聞庸軍敗六懼。詔竄泰子澄于外。密令爲募兵計。棣聞二人已竄。上書請罷盛庸。吳傑平安兵。帝以問方孝孺。孝孺曰。燕兵久頓大名。天暑雨。當不戰自疲。急令遼東諸將入山海關。攻永平。真定諸將度盧溝。搗北平。彼必歸救我。以大兵躡其後。可成擒也。今其奏事適至。宜且與報書。往返踰月。使彼將士心懈。我謀定勢合。進而蹴之不難矣。帝以爲然。乃遣大理寺少卿薛崑閩鄉人往報。詔赦燕罪。令罷兵歸藩。棣不奉詔。未幾。盛庸吳傑平安。分道斷燕餉道。棣患之。復遣其指揮使武勝上書。伸前請。帝將許之。孝孺曰。兵罷不可復聚。願毋爲所惑。帝乃誅勝以絕燕。

夏六月。棣將李遠懷遠人寇沛縣。焚糧艘。

官軍駐德州。資糧皆道徐沛。棣遣李遠以輕兵六千。詐爲官軍袍鎧。由濟寧至沛。焚糧艘數萬。河水盡熱。魚鼈皆浮死。盛庸遣都督袁宇帥三萬騎追之。爲遠伏兵所敗。

秋七月。都督僉事平安攻北平。不克。

燕兵掠彰德。陷林縣。安在真定。度北平空虛。帥萬騎攻之。棣方軍大名。遣將馳救。安戰不利。引還。時大同守將房昭引兵入紫荆關。據易州西水寨。以窺北平。棣引兵圍之。都指揮花英等往援。大敗。棣勒兵還北平。

冬十二月。詔駙馬都尉梅殷字伯殷。夏邑人。汝南侯思祖從子。鎮淮安。

太祖誠見及此則立棣
執棣惟已所欲爲耳何
有篡奪之禍哉且密詔
臣何由知之疑信各半
國紀事之常耳

殷尙寧國公主。太祖春秋高。諸王強盛。嘗受密詔輔皇
太孫。至是。命充總兵官。鎮淮安。

棣大舉南犯。

棣稱兵三年。親戰陣。冒矢石。屢瀕于危。所陷城邑。兵去
旋復爲朝廷守。故不敢決意南下。無何。有以中官奉使
侵暴爲言者。詔所在有司繫治。于是中官密遣人赴燕。
具言京師空虛可取狀。棣慨然曰。頻年用兵。何時已乎。
要當臨江一決。不復返顧矣。遂大出兵。明年春。連陷東
平。濟陽。諸州縣。斷徐州餉道。破蕭沛及宿州。時州縣官以城陷先
後死難者。獻縣知縣向朴。集民兵與燕將戰。被執。懷印
死。濟陽教諭王省爲燕兵所執。詞義慷慨。衆舍之。省歸
坐明倫堂。伐鼓集諸生。謂曰。若等知此堂何名。今日君
臣之義何如。因大哭。以頭觸柱死。東平州吏目鄭華。由

敗則偽竄計臣勝則召還
大將舉動殆如兒戲庸憤
如此安得不速致覆亡追
其後燕已陳師江上尚冀
割地罷兵尤為非策其窘
迫無措之態可憫亦可歎

壬午四年春正月命魏國公徐輝祖帥師禦棣兵于山東召
故周王棼還京師

夏四月官軍連敗棣兵于淮北尋召輝祖還

棣軍小河

即古睢水舊自河南永城縣流逕宿州靈璧至宿遷入泗後宿州以上已成平陸其在睢

寧宿遷者都督何福擊敗之斬其將陳文平安轉戰至

北阪幾獲棣番騎王騏躍入陣掖棣去適輝祖來會戰

于齊眉山

在鳳陽府靈璧縣西南山開八字如列眉然

斬其將李斌時王師

再捷。燕人大懼。會淮土盛暑濕蒸。諸將請旋師觀釁。棣棣集諸將下令曰。欲渡河者左。諸將皆從左。棣怒曰。任汝曹所之。乃不敢復請。而帝聞訛言。謂燕兵已北。召輝祖還。福軍遂孤。

五月。遼東兵潰于直沽。

先是。帝命楊文帥遼東兵十萬赴濟南。與鐵鉉合。以斷棣後。及是至直沽。軍潰。無一人至濟南者。

棣兵渡淮。陷揚州。

何福移營靈壁。欲持久老燕師。而糧運爲燕所阻。平安分兵往迎。棣帥精銳橫擊。斷其軍爲二。福開壁往援。俱敗走。諸將請移駐淮河就糧。夜令軍中聞三礮卽走。翼日。燕兵猝薄壘。亦發礮三。福軍以爲已礮也。爭趨門出。

燕兵乘之。遂大亂。人馬墜壕塹俱滿。福單騎走。安及都

督陳暉侍郎陳性善

名復初。以字行。山陰人。

等三十七人皆被執。

棣尋釋性善歸。令說朝臣性善朝服躍馬入于河以死。盛庸獨軍而南。以兵數萬。

戰艦數千。列淮南岸。棣兵不得渡。遣使至淮安。假道于

駙馬都尉梅殷。殷勗其使。

棣先以進香為名。殷答曰。進香。皇考有禁。不遵者為不孝。

棣復書言。今與兵誅君側惡。天命有歸。非人力所能沮。殷乃割其使耳鼻。縱之歸。曰。留汝口。還

為而王言。君臣大義。棣氣沮。鳳陽守徐安亦折浮橋。絕

舟楫。以遏燕。棣乃令邱福

鳳陽人。

朱能等帥驍勇數百人。

潛自上流以漁舟濟。猝薄庸軍。鳴礮。庸軍驚。突擊之。庸

敗走。盡獲其戰艦。遂渡淮下泗州。出天長。進陷揚州。

都指

揮使崇剛。巡按御史王彬。據城固守。指揮王禮。江都知縣張本。縛剛彬。開門以降。剛彬見棣皆不屈死。王彬

宇文質
東平人

徵天下兵勤王

帝遣御史大夫練子寧侍郎黃觀

字伯瀾一字
尚賓貴池人

修撰王

叔英

字原采
黃巖人

等分道徵兵蘇州知府姚善

字克一
安陸人

首以

兵入衛請召還齊泰黃子澄帝從之

時寧波知府王璉
徽州知府陳彥回

樂平知縣張彥方前永清典史周縉各帥兵入援後彥
回彥方皆被誅縉遣戍璉獨得免又有松江同知榜募

勤王義勇斥燕兵乖恩悖道後磔于市王璉字器之
日照人陳彥回字士淵莆田人張彥方龍泉人周縉字

伯紳武昌人松江同知或
曰周繼瑜然史無可攷

下罪已詔遣慶成郡主詣燕軍

時棣兵往來江上江南北郡縣俱密已輸款詔下京師

內外臣民慟哭而已方孝孺進曰事急矣可遣人許以

割地稽延數日。俟募兵漸集。然後決戰江上。乃遣慶成

郡主往燕軍。請割地罷兵。郡主棣從姊也。見棣述太后

及帝意。棣曰。吾此來欲得奸臣。不在土地。郡主默然。遂

辭歸。

帝命諸將集舟師江上。為守禦計。兵部侍郎陳植

監戰。植慷慨誓師。部將殺之以降。棣殺部將。其棺殮植瘞之。

植廬江人。

六月。棣兵渡江。犯京師。谷王橧及李景隆迎降。京師陷。帝

不知所終。

盛庸。徐輝祖等。敗棣兵于浦子口。

在江寧府江浦縣東。為南北津要有城。今

設守。備

會高煦引番騎來援。殊死鬪。庸軍退。駐高資港。

在鎮江府丹徒縣西。北通大江。接儀徵。

都督僉事陳瑄

字彥純。合肥人。

以舟師叛。

附于棣。棣率兵自瓜洲渡江。庸敗走。鎮江守將童俊率

通國之說傳聞互異當時
宮中火起事出倉皇出亡
既無實跡可憑又何以知
自焚之必由詭語葬地雖
無所指証而為僧跡跡又
誰實親見而灼知之設云
民間係念舊君冀其未死
而禱託渺荒實足為動搖

衆降。棣進軍龍潭。帝命諸王分守都城。遣景隆及兵部

尙書茹瑯

衡山人

都督王佐詣燕師講和。棣曰。吾無罪而

削為庶人。今救死。何以地為。景隆等不能發一語。遽還。

帝復令谷王橐安王楹往。棣卒不奉詔。左右或勸帝他
幸。以圖興復。方孝孺請堅守京城。待四方援兵。即事不

濟。當死社稷。棣尋進兵屯金川門。左都督徐增壽謀內

應。帝手劍斬之。橐景隆守金川門。登城望見棣麾蓋。開

門迎降。御史連楹

襄垣人

叩馬欲刺棣。被殺。都城陷。宮中

火起。帝不知所終。棣遣中使出后屍于火。詭云帝屍。越

八日。用學士王景

字景彰。松陽人

言。備禮葬之。然葬地所在。後

無聞焉。或曰。帝由地道出亡。其後滇黔巴蜀間。皆傳有

羣心之漸成祖何不將自
焚情形宣示禁止顧一任
無根之語輾轉流傳揆厥
所由殆因成祖自知慚德
欲曲諱其篡弑惡名故反
隱播此說以明已無致死
其君之事厥後文人不察
從而飾其間遂成千古
疑案向來論史者斷斷手
剖必為之指實而辨誣均
不負矣之愚耳

楊榮相業燭然為三楊稱
首然身為侍從國破君焚
迎謁不暇臣節已墮且其
言明請謁陵陰為勸進无
是巧于獻諛雖其後政績

帝為僧時往來跡世遂以帝為遜國云遜國之說明舊史例議力辨其妄且言建文帝闔宮自焚身殉社稷死之正也後人惡成祖誅夷忠烈之慘而不忍建文之遽殞故詭言削髮出亡以明帝之不死于火耳此其言誠是但據王鏊陸樹聲薛應旂鄭曉朱國禎等所載諸書皆歷歷可考雖有外訛或未必悉由附會且史傳稱黃觀募兵未還或謂曰宮中火帝已失後神宗時嘗命閣臣錄帝在滇詩以進似又非盡無稽者第事難徵覈姑從闕疑今故附錄出亡之畧而復辨之如此
明史贊曰惠帝天資仁厚踐阼之初親賢好學召用方孝孺等典章制度銳意復古其除軍衛單丁減蘇松重賦皆惠民之大者乃革命而後紀元復稱洪武嗣是子孫臣庶以紀載為嫌草野傳疑遂多訛謬矣
棣自立為皇帝

棣入京編修楊榮字勉仁建安人迎謁馬首曰殿下先謁陵乎

先即位乎棣遽趨謁陵畢羣臣備法駕迎謁奉天殿即

皇帝位茹瑺入賀迎謂曰瑺吾今日得罪天地祖宗奈何瑺頓首曰陛下應天順人何謂得罪乃大悅

言稱亦不足重矣

削魏國公徐輝祖爵

輝祖當燕師渡江。猶引兵力戰。京師陷。諸武臣咸迎附。勸進。輝祖獨守父祠。于是下吏命引罪。不屈。削爵幽私第。永樂五年。輝祖卒。帝乃命輝祖長子欽嗣封神宗時。錄建文忠臣。以輝祖爲首。追贈太師。諡忠貞。殺兵部尚書齊泰。太常卿黃子澄。文學博士方孝孺。皆夷其族。坐黨死者數百人。

初。帝發北平。僧道衍以孝孺爲囑。曰。城下之日。彼必不降。幸勿殺之。殺孝孺。天下讀書種子絕矣。帝領之。及陷京師。卽大索孝孺等五十餘人。鎮撫伍雲縛孝孺至。帝以道衍言。顧左右收之。曰。勿令遽死。及是。召草登極詔。孝孺悲慟。聲徹殿陛。帝降榻勞曰。先生無自苦。朕欲法所應然。至於國勢。阽危猶

欲四出募兵意存克復及至身臨鼎鑊而抗詞直斥侃侃不撓未嘗少降其志凜然大節洵為無忝綱常正未可以其謀事之不成而槩加吹求若成祖之濫誅洩憤屠戮忠良淫刑以逞其矣自無可怨耳

周公輔成王耳。孝孺曰：成王安在？帝曰：彼自焚死。曰：何

不立成王之子？帝曰：國賴長君。曰：何不立成王之弟？帝

曰：此朕家事。顧左右授筆札。孝孺投筆于地，哭且罵。復

強之，乃大書「燕賊篡位」四字。帝大怒，命繫獄。會秦子澄

亦至。秦自廣德往他郡收兵，有識其馬者曰：此齊尚書馬也。遂執之。子澄至太倉，亦為人所執。械至京。

帝親詰之，抗辯不屈。遂命與孝孺同磔于市。孝孺慷慨

就戮，賦絕命詞而死。詞曰：天降亂離，今孰知其由？奸臣

淚交流，以此徇君公，抑又其門人廖鏞之孫廖銘鏞之

何求，嗚呼哀哉！庶不我尤。其門人廖鏞之孫廖銘鏞之

檢遺骸，瘞聚寶門外山上，尋被逮，與胡子昭字仲常，榮

侍盧原質字希魯，寧海人，太常少卿鄭公智字叔貞，寧海人，御史林嘉猷名晁

行寧海人鄭居貞閩人，河俱坐死。秦從兄弟俱坐死。子

陝西僉事。鄭居貞南參政俱坐死。秦從兄弟俱坐死。子

澄族人無少長皆斬。孝孺弟孝友亦死。妻鄭氏及二子中憲中愈先自經。二女投秦淮河。宗族親友及門下士坐誅者。廖鏞等而外。復數百人。遜國名臣傳云。孝孺大書數字。投筆于地。曰。死即死。詔不可草。帝大怒曰。汝焉能遽死。朕當滅汝十族。紀事本末。採其說。改作文皇大聲曰。汝獨不顧九族乎。孝孺曰。便十族奈我何。乃收其門生廖鏞。林嘉猷等爲一族。並坐。然後詔磔孝孺于市。舊史例議以鏞嘉猷逮論。在孝孺死後。十族之說。非實。今亦不採。附注于此。

殺御史大夫練子寧。戶部侍郎卓敬。夷其族。

子寧縛至。語不遜。磔死。夷其族。姻戚俱戍邊。敬先建議徙燕。帝責以離間骨肉。猶憐其才。命繫獄。使人諷以管仲魏徵事。敬曰。人臣委質。有死無二。先皇帝曾無過舉。一旦橫行篡奪。恨不即死。見故君地下。乃更欲臣我邪。

死節乃人臣本分原無庸
議論紛紜吳溥決王良之
必克捐軀胡廣之不能死
節所料皆錙銖不爽但溥
與良俱策名仕版即當效
其取義舍生況既明於責
人何獨寬於責已乃隱忍
圖全竟至辱身改節是真
察秋毫而不見目睫顧于
一豬不舍者益語費幾何
異桃李偶之相謂邪

僧道衍故與敬有隙進曰敬言誠見用上寧有今日乃

斬之夷三族時殉難者太常少卿廖昇襄陽人最先死燕

渡江朝廷遣使請割地不許昇聞而慟哭自縊未幾修

死殉難諸臣昇死最先後追戮詔下亦首及昇

撰王良字敬止吉水人飲酖死城陷前一日良與胡廣解縉俱

亦奮激慷慨良獨流涕不言三人去溥子與弼尚幼歎

曰胡叔能死節大佳溥曰不然獨王叔死耳言未畢聞

廣呼家人謹視豬溥曰一豬尚不舍能舍生乎須臾良

舍哭飲酖死矣胡廣字光大吉水人吳溥崇仁人與

弼字子傳都給事中龔泰義烏人投城下死宮中火起泰馳赴

黨釋不殺自葉福侯官人守門死福守金川門燕軍被縛以非姦

周是修名德以字行泰和人江西副使程本立字原道崇德人自

經死是修為衡府紀善王未之藩留京師城陷具衣冠

為贊繫衣帶間入應天府學拜先師畢自經于尊

官未行燕兵入亦自經大理寺丞鄒瑾永豐人御史魏

冕

瑾之甥

同自殺

燕兵至金川門。徐增壽徘徊殿庭。有迎納意。冕帥諸御史毆之。幾死。惠帝倉皇

罷朝。冕與瑾大呼請速加誅。明日。宮中火起。冕自殺。瑾亦死之。同邑鄒樸授秦府長吏。聞瑾死。憤激不食卒。

皆在帝未卽位前。嗣是相繼死者。禮部尚書陳迪。

字景道。宣

城人。督運軍儲。聞變。趨京師。帝已卽位。召迪責問。迪抗聲不屈。與子六人同磔于市。戶部主事巨敬與迪同執。

亦不屈死。刑部尚書暴昭。昭自真定召還。金川門。侯泰敬。平涼人。刑部尚書暴昭。昭自真定召還。金川門。侯泰

字順懷。南和人。督餉淮安。聞京師陷。行至高郵。被執。不屈死。戶部侍郎郭任。任與同

主調兵食。燕師入。二人同被執。皆不屈死。迴。仙居人。禮部侍郎黃觀。觀募兵至

陷。或告曰。官已焚。帝失所在。新天子卽位三日矣。觀命舟至羅刹磯。朝服東向拜。投湍急處死。觀妻翁及二女

在京。先投秦淮河死。觀同官有黃魁者。燕師入。亦不屈死。羅利磯。在池州府東流縣西。濱江。方輿紀要。巖石

森立。舟帆艱險。副都御史茅大芳。名誦。以字行。泰興人。京城陷。與僉都御史周璿同被執。皆

不屈死。大芳。大理少卿胡閏。字松友。鄱陽人。燕師起。晝夜畫軍事。帝卽位。召閏。不

屈死籍其家長子論死幼子戍邊女郡奴方四歲或提

入功臣家稍長識大義日以糞灰汚面髮長二寸即剪

之洪熙初赦還猶處女誓不嫁修撰王叔英叔英募兵

鄉人敬之皆曰此真忠臣女也京城不守沐浴具衣冠書絕命辭藏衣裾間自經死

時御史林英亦募兵經廣德知事無成亦自經死左

拾遺戴德發奉化人由翰林侍讀改官給事中陳繼之

莆田韓永西安人京師破御史高翔朝邑人帝即位被

入見語不遜族之發其先冢親黨成極謝昇諸城人與

邊高氏產皆加稅曰令世世罵翔也甘霖聊城丁志方皆以被逮不屈誅又有董鏞者諸

御史時時會其案誓以死報國城破後坐逆黨死宗

人府經歷宋徵嘗疏請削罪藩屬籍燕師入不屈死刑部主事徐子權新

人聞練子寧死痛浙江按察使王良字天性祥符人建

未減燕府人罪不當上指出為浙江按察使帝即位頗

德良遣使者召之良將斬使者衆劫之去良集諸司印

九于私第積薪自焚印俱毀蘇州知府姚善善督五府

帝以良毀印徙其家于邊

兵勤王未

及戰燕師入。索黃子澄急。子澄匿善所。約共航海起兵。善曰。公可去。善守土。與城存亡耳。子澄去。善為麾。下縛以獻。不。漳州教授陳思賢。茂名人。帝即位。詔至。痛哭不屈死。林珏。鄒君默。曾廷瑞。呂賢。即明倫堂。為建文帝哭臨。有司執送京師。思賢及六生皆死。先後死不

一時。既而給事中黃鉞。

字叔揚。常熟人。

赴水死。

建文中。鉞丁父憂。聞變。杜門不

出。明年。以戶科召。鉞自投于水。其家以溺死聞。故得不坐。

御史曾鳳韶。

廬陵人。

自剄死。

鳳韶以御史歸里。帝即位。起原官。不赴。又以侍郎召。鳳韶刺血書衣襟。為絕命辭。自殺。

王度。

字子中。歸

善。謫戍死。

度素與方孝孺善。以逆黨戍廣西。坐語不遜。族

谷府長史劉璟。

誠意伯基

次。下獄死。

燕師起。璟隨谷王歸京師。尋參李景隆軍事。景隆敗。歸青田。帝即位。召之。以疾辭。逮至京。

猶稱殿下。且云。殿下百世後。

死。皆在後。他若御史葉希

賢。以姦黨被戮。牛景先走死。蕭寺。或又以二人為不死。

希賢。或曰。從帝為僧出亡。名應賢。或又曰。後為雪菴。

和尚。景先。或曰。帝出亡後。往來帝所。號東湖樵夫。並

附錄存疑

方燕師入金川門。朝臣棄位去者四十餘人。世遂相傳有程濟及河西傭補鍋匠之屬。濟

朝邑人。建文末。官編修。金川門啟。濟亡去。或曰。惠帝為僧出亡。濟從之。莫知所終。河西傭為傭莊浪魯氏。冬。月常披葛衣。久之。有京朝官至。識傭。欲與語。走避之。後竟死莊浪。補鍋匠往來川中。業補鍋。一日于夔州市遇一人。相顧愕然。已相持哭。其人曰。馮翁。能為詩。後題馬二子。或馬公。或塞馬先生。二人者。後皆不知所終。又有會稽雲門寺僧。若耶溪樵。及金華玉山樵者。或皆謂建文遺臣。然姓名爵里。莫可得而考也。他若樂清臨海二樵夫。聞惠帝崩。投水死。儲福為燕山衛卒。北平兵起。逃去。後勾入籍中。不食死。翼翊為金川門軍。門開。慟哭遂隱而死。雖正史未為詳載。而遜國諸書所錄節烈凜然。有裨名教。今並註于此。以備稽考。

秋七月。革建文年號。

以是年為洪武三十五年。明年為永樂元年。凡建文中

所更改令條格。悉罷復舊。

革除之說。議論紛如。考當時

欲于季夏改元。故于即位之初。仍以洪武三十五年為紀。說者遂謂止改是年。不知詔內所云。止就現在而計。

遂舉是歲六月爲例。以便遵循。實則前三年皆已並從
改革。故當時欽天監所進歷日。直書洪武三十二年。至
三十五年。其後史官修永樂實錄。于洪武三十五年六
月以前。但書元二二三年。而無號。蓋其子孫曲爲遷就。
以掩其非。而不知其轉相矛盾。夫紀年必有號。自漢武
帝以來。歷代皆然。若去其號。而但紀其年。則所謂元二
三四年者。將于何屬。雖欲不謂之革除。而不得也。在從
前王世貞申時行輩。諱其祖宗朝事。故多飾詞偏護。而
舊史例議。乃據其說。而力辨當時並無
革除之事。又安足爲定論乎。今不取。

遷孝康皇帝主于園陵。

仍稱懿文太子。太后呂氏。仍稱太子妃。徙居園陵。吳衡
徐三王俱降封。尋廢允燧。允燧爲庶人。錮鳳陽。允熙奉
太子祀。未幾暴卒。

召陳瑛滁人爲左副都御史。

建文初。瑛爲北平按察使。受燕府金錢。通密謀。僉事湯

陳瑛通燕府密謀。受其賄
賂。其不忠于建文實甚。永
樂不能聲其罪而加之顯

謂已有愧于漢高之斬丁
公轉令其入居憲職遂欲
追戮効死諸臣希旨生風
奸狡尤為叵測及未行聽
許輒以獄辭株牽簿錄冤
及無辜殆不止于羅鉗吉
網猶復覲然自以為出之
有名真屬喪心無耻永樂
本以逆取而即位之始首
擢是人其殘忍刻薄尚可
圖乎

宗

字正傳浙江平陽人

白于朝逮謫廣西至是召為副都御史署

院事瑛天性殘忍受寵任益務深刻言廷臣効死建文
者如黃觀廖昇王叔英周是修王良顏伯璋輩其心與
叛逆等請追戮之帝不聽後瑛閱方孝孺等獄詞遂簿
觀叔英等家疏族外親莫不連染胡閏之獄所籍數百
家號冤聲徹天兩列御史皆掩泣瑛謂人曰若不以叛
逆處此輩則吾為無名于是諸忠臣無遺種矣

八月以侍讀解縉編修黃淮

字宗豫永嘉人

入直文淵閣侍讀胡

廣修撰楊榮編修楊士奇檢討金幼孜

名善以字行新淦人胡儼

字若

思南同入直預機務

縉在建文中以董倫薦

縉先入臨太祖為有司所劾謫河州衛吏上書于倫故倫薦之

官翰林待詔。秩九品。不常設。帝卽位。擢侍讀。與淮常立御榻左。

備顧問。或至夜分。帝就寢。猶賜坐榻前。語機密。至是。命

七人同入直。預機務。謂之內閣。內閣之名自此始。參預

機務。亦自此始。

執兵部尙書鐵鉉至。不屈。殺之。

初。燕兵渡江。鉉屯淮上。師亦潰。高魏聞京城陷。經死驛舍。至是。執鉉

至。反背坐廷中。令其一回顧。終不可。遂磔于市。以鉉非

朝臣。故不族。其父母年皆八十餘。安置海南。

殺御史大夫景清。夷其族。

清倜儻尙大節。燕師入。諸臣死者甚衆。清獨委蛇班行。

人怪之。一日早朝。衣緋。懷刃入。先是。欽天監奏異星赤

卷之二十一

色犯帝座甚急。帝故疑清。及朝。搜得所藏刃。詰責之。清奮起曰。欲爲故主報讐耳。遂磔于市。族之。籍其鄉。轉相

考王鏊守溪筆記載景清事云。文皇至金川門。百官

迎拜江次。清獨直立。罵不已。乃命左右抉其齒。且抉且罵。含血直噴上衣。乃命醢之。罪及九族。久之。上晝寢。夢清入殿追之。上曰。清猶能爲厲邪。乃籍其鄉。轉相攀染。謂之瓜蔓抄。其說與遜國記表忠錄諸書不同。然以清死難。在成祖未卽位之前。較之緋衣行刺。似爲近理。今附註于此。

九月論邱福等二十人功封爵有差

封成等侯者十四人

奉州人。封秦寧侯。鄭亨。合肥人。封武安侯。孟善。海豐人。

封保定侯。火真蒙古人。封同安侯。顧成字景韶。江都人。

封鎮遠侯王中孝感人封靖安侯王臨斬水人封武城

侯得忠。人。封永康侯。張信。臨淮人。封隆平侯。李遠。

封安平侯鄭亮合肥人封成安侯房余詳大治人封等

襄陽州人封思恩侯王靈封永春侯名丕興安伯

伯者十四人。徐理。西平人。封武康伯。李濬。和州人。封襄城伯。張輔。字文弼。王長子。封信安伯。唐雲。

封新昌伯。譚忠。淵子。封新寧伯。孫巖。鳳陽人。封應城伯。

房勝。景陵人。封富昌伯。趙彞。虹人。封忻城伯。陳旭。全椒人。封雲陽伯。劉才。字子才。霍邱人。封廣恩伯。茹瑺。封忠

誠伯。王佐。封順昌伯。陳瑄。封平江伯。又追封張玉榮。國公。譚淵。崇安侯。徐增壽。武陽侯。陳亨。涇

國公。王真。金鄉侯。亨。壽州人。真。咸寧人。

冬十月重修太祖實錄。

以建文中所修。是非失實。乃重修之。命李景隆。茹瑺。監

修。前纂修官知府葉惠仲。臨海人。先以知縣充修。實錄。書成。遷南昌知府。以直

書帝起兵事。族誅。

十一月立妃徐氏為皇后。

御批歷代通鑑輯覽卷之一百二

明

成祖皇帝

癸未永樂元年春正月復周齊代嶼四王國

帝卽位初四王俱已復爵及是並還故封各令之國

谷王

穗以開門功賞賜優渥尋徙封長沙遼王植自請改封荊州從之

二月以北平爲北京

設北京留守行後軍都督府行部

尚書二人侍郎四人所屬六曹各設郎中

等官國子監改北平曰順天府

遣御史分巡天下

自是遂爲定制

至洪熙元年定出巡之期以八月

徙封寧王權于南昌。

初。權之被誘入關也。帝許以事成。中分天下。及卽位。留

之京師。時大寧殘破。已無可歸。乃乞改南土。請蘇州及

錢塘。皆不許。封之南昌。

舊史載。王屏從兵。與老中官數人。偕往南昌。稱病卧城樓。乞卽

封南昌。帝不得已。許之。卽布政司爲邸。餼餼規制。皆無所更。說本姜清秘史。考寧王素有智畧。旣被成祖誘執。復不許封內地。當必圖免禍自全。豈有不俟

朝命。而徑往南昌之理。野史無稽。今不取。已而有告

權巫蠱誹謗者。密探無驗。得已。權自是日韜晦。搆精廬

一區。讀書鼓琴其間。終帝之世。得無患。

三月。始以大寧地畀烏梁海。改北平行都司爲大寧都司。徙保定。以大寧地畀烏梁

海。自是北邊失一重鎮。

自北平兵起。帝旣誘執寧王。權乃遷烏梁海三千人爲奇兵。從

戰數有功。及天下既定。遂割大寧地界之。以償前勞。由是洪武中所築諸城盡廢。後至天順末。大寧遂盡爲烏梁海所有。遼東宣府聲援。因之隔絕。

命平江伯陳瑄等督海運。餉北京遼東。

洪武中。靜海侯吳禎等。先後督江浙邊海衛軍。歲轉遼餉。至三十年。以遼餉贏羨。罷海運。及是。北方軍儲不足。乃命瑄與都督僉事宣信。帥舟師。由海道運糧四十九萬石。餉北京遼東。自是歲以爲常。

夏四月。命戶部尚書夏原吉浚吳淞江。

古松江。自太湖分流。經吳江縣東。

南下流至嘉定縣入海。

時蘇松嘉湖諸郡。頻年水災。命原吉治之。原吉上言。浙西諸郡。蘇松最居下流。太湖在其西南。綿亘幾五百里。

頃因浦港壅塞。湖流漲溢。傷害禾稼。拯治之法。在濬吳

淞諸浦。而吳淞下流。適當潮汐之衝。泥沙易致淤壅。惟

嘉定劉家港。

即劉河口。注見前。

徑通大海。常熟白茆港。

今日白茆浦。在

太倉州東北。宋嘗置砦于此。

徑入大江。皆廣川急流。今宜疏吳淞南

北兩岸。安亭等浦。

安亭在崑山縣東南。今有鎮。

引太湖諸水入劉家

白茆二港。使其勢分。松江大黃浦。

首受三茆諸水。東流經華亭諸縣。至上海

縣東北。會吳淞江入海。相傳戰國楚春申君所鑿。故亦

名春申浦。三茆即今泖湖。在婁縣西。有上中下三名。北為上泖。亦曰圓泖。中曰

大泖。南曰下泖。亦曰長泖。乃通吳淞要道。其入海處亦

宜浚令深濶。庶幾復禹貢三江入海之舊。帝從之。命發

民夫開濬。原吉晝夜經畫。布衣徒步。以身先之。功遂成

遣中官侯顯等使外域。

帝聞烏斯藏僧哈里瑪。舊作哈立麻。今改。後仿此。善幻化欲致一見。

因通迤西諸番。命顯賫書幣往迓。選壯士健馬護行。未

幾。又遣馬彬使瓜哇。注見前。蘇門答刺。在占城西南海諸中。為西洋要會。諸

國李興使暹羅。即隋唐赤土國。後分為暹與羅斛二國。元時羅斛并有暹地。遂稱暹羅。尹

慶使滿加刺。在占城南海中。或言即古頓遜。唐哥羅富沙。柯枝。在西海中。或云即古盤盤

國。諸國于是中官銜命異域者。紛紛四出矣。

秋八月。徙富民實北京。

時發流罪以下。墾北京田。又徙直隸蘇州等十郡浙江

等九省富民實之。

削歷城侯盛庸爵。尋自殺。

帝初命庸鎮淮安。旋移山東。庸常不自安。陳瑛誣以心

懷異謀遂削其爵庸自殺。

冬十一月。頒大統歷于朝鮮諸國。

北京地震。

閏月。封胡查爲安南國王。

惠帝時。黎季犛弑國王陳日焜。立其子頤及弟案。復弑之。而篡其位。更名曰胡一元。名其子蒼曰胡查。尋自稱太上皇。傳位于查。朝廷不知也。帝初踐阼。查遣使奉表朝貢。詭言安南王陳氏嗣絕。臣爲衆所推。乞賜封爵。帝遣使賁勅諭其陪臣耆老。詢以陳氏繼嗣有無。及推立誠僞。查隨遣使還奏。遂詔封查。未幾。安南舊臣裴伯耆詣闕告難。旣而前國王日燿弟陳天平來奔。請兵復讐。

安南既列藩封。其篡殺相尋。固王法所必討。然成祖自燕邸稱兵。身冒不韙。其得國所自。與胡查父子亦何甚逕庭。成祖旣欲明正其罪。然自返漸德。何以爲辭。顧乃令具狀上聞。興師

進討其與楚靈王負慶封
谷質以徇于軍者又何以
異所以歸國之請使方來
而芹站之伏兵已起坐為
遠夷所侮雖出黃中等昧
於機宜亦其德不足以服
遠雖備以兵威終無益也
明祖嘗樹鐵牌於宮門永
禁宦官用事然奉使覘軍
洪武已開其漸則禁諭亦
徒為虛語至成祖而出使
外城分鎮諸邊監京營制
東廠凡後世弊政無不以
身先之原其始皆由深德
建文時之宦寺逃附洩言
因而重加委任遂貽作俑
之謀未幾黃儼幾危儲貳

事在明年帝始悔封查之誤遣使詰責令具篡奪之狀以聞

查復遣使謝罪請迎天平歸國帝信之遂遣都督僉事

黃中呂毅項城人以兵納天平于安南事在三年至芹站在安南國

舊諒山府山徑險惡查伏兵邀殺天平中等引兵欲戰

雞陵關南橋斷不得前遂還事在四年帝大怒決意興師討之

始命內臣出鎮考王世貞史料以中官出鎮自永樂八年

于是年特書于本紀因遵之并據備遺錄及明史兵志宦官傳序輯目

初惠帝御內臣嚴燕兵逼江北多逃入軍中漏朝廷虛

實帝深以為忠于已及即位封賞既行諸宦官言功不

已帝患之會鎮遠侯顧成都督韓觀劉真何福等出鎮

貴州廣西遼東寧夏諸邊乃命宦官中有謀者與之偕

馬駟致亂安南禍敗皆當
時立見矣待後嗣為然哉

行。賜公侯服。位諸將上。未幾。雲南大同。甘肅宣府永平。

寧波亦各相繼遣使。已又設京營提督使監軍。在八復

建東廠。在十年。使刺外事。大權悉以委寄。遂為一代厲階。

甲申二年春三月始選進士為翰林院庶吉士。

洪武時庶吉士不專屬翰林。事見前。及是春廷試進士。賜

會榮。字子啓。永豐人。等及第。出身有差。復命于第二甲。擇文學

優等楊相等五十人。及善書者湯流等十人。俱為翰林

院庶吉士。于是庶吉士遂為翰林官。尋又命學士解縉

等。選才資英敏者。就學文淵閣。縉等選修撰。榮。庶吉士

相等。共二十八人。以應二十八宿之數。庶吉士周忱。字

如吉。水人。自陳年少願學。帝喜而俞之。時人謂之揆宿。以其

在二十八宿之外也。

其後或間科一選。或連科屢選。或數科不選。所選多寡。亦無定額。其

與選者謂之館選。以翰詹官望優資深者一人課之。謂之教習。比三年試之。其留者二甲為編修。三甲為檢討。不得留者為給事中。御史主事。或出為州縣官。謂之散館。最後教習。以吏禮二部侍郎為之。

夏四月立子高熾。

與二王俱。皇后出。

為皇太子。封高煦為漢王。

初封。

雲南。後樂安。

高燧為趙王。

封彰德。

帝初起兵。高煦常從戰有功。帝喜。以為類己。高煦亦以

此自負。謀奪嫡。及議建儲。邱福等言。高煦有功宜立。獨

金忠力爭。以為不可。帝召解縉問之。縉稱皇太子仁孝。

天下歸心。帝不應。縉又頓首曰。好聖孫。謂皇孫瞻基也。

即宣宗。

復問黃淮。尹昌隆。

昌隆于帝即位初。各列姦黨。將就刑。大呼曰。建文時。嘗上疏讓

位陛下。奏牘可覆。帝取奏閱之。歎曰。火燒頭。若早從所言。朕亦無此勞苦也。乃免昌隆死。使往北京。輔導太子。

對與縉同。帝意乃決。

以僧道衍為太子少師。

初帝即位。授道衍僧錄司左善世。及是錄功。以為第一。拜資善大夫。太子少師。復姚氏姓。賜名廣孝。帝與語。呼為少師。而不名。常居僧寺。退朝仍緇衣。嘗命蓄髮。不肯。賜第及兩宮人。皆不受。

六月。汰冗官。

封哈密恩克特穆爾舊作安克帖木兒。今改。後仿此。為忠順王。

哈密。漢伊吾廬地。元末以威武王納古里舊作納忽里。今改。後仿此。

鎮之。卒。弟恩克特穆爾嗣。帝即位。遣使詔諭。遂入貢。詔

封忠順王。明年卒。命其兄子托克托襲封。

秋九月以胡儼為國子祭酒

儼在閣承顧問嘗不欲先人然少憚帝以為祭酒遂不預機務

周王橚來朝獻騶虞

百官請賀帝曰瑞應依德而至騶虞若果為祥在朕更當修省不許周王宴賜加厚

冬十月河決開封

蒲城河津黃河清

十二月同州韓城黃河亦清

籍長興侯耿炳文家炳文自殺

刑部尚書鄭賜

字彥嘉建寧人

都御史陳瑛劾炳文衣服器皿

有龍鳳飾玉帶用紅鞋稽妄不道詔籍其家炳文遂自

炳文為惠帝懿親首先總師北伐成祖既立豈尚復能保全先後同此一死死于前不失為盡忠死于後有愧于全節實由貪生之一念快之盛庸平安輩皆以此貽譏史冊若李景隆

之從逆迎降更不足齒矣

殺

炳文子璿尚懿文太子長女建文初進駙馬都尉炳文北伐璿勸直擣北平不聽遂敗帝卽位璿稱疾不出坐罪死炳文雖太祖功臣然終以

惠帝肺腑戚故賜等希旨劾之遂及

十一月京師地震

濟南開封亦震

十二月李景隆有罪削爵

初景隆以迎降功加太子太師授左柱國朝廷有大事

景隆以班首主議諸臣皆不平周王首發其建文時至

邸受賂事廷臣復劾其與弟增枝謀逆有狀詔削勲號

絕朝請至是李至剛

名綱以字行華亭人

復言其居家不道事遂

奪爵錮私第籍其家

乙酉三年春正月韃靼索和爾內屬

初北平兵起會郭勒齊稱汗帝遣使賀之遂與通和其

國公趙圖魯舊作脫列干今改後仿此等率眾助戰並厚加犒賜

及帝卽位屢使致書郭勒齊賜之銀幣并及其知院阿

魯舊作阿魯台今改等至是阿魯台別部索和爾及察罕達

魯噶舊作察罕達魯花今改後仿此等先後來歸

二月命趙王高燧居守北京

夏六月遣中官山壽帥師出雲州注見前

時命武城侯王聰斬水人覘虜兵別遣山壽帥騎兵出雲

州北行會之人齎一月糧每三十里置五騎以待馳報

宦者典兵自此始

遣中官鄭和雲南人世謂之三保太監使西洋

帝疑建文帝亡海外命和及王景和等蹤跡之多賚金

鄭和以中官銜命遠歷重洋辱國體而取侮外夷莫此為甚且令其率兵數萬

廣贖金幣以爲招徠之具更爲謬妄不經其所稱懾以兵威三擒酋長焉知非出自鄭和緣飾即諸番之隨入貢亦不過貪中朝通商厚利非真慕化抒誠此皆當時闖寺矜奉使之榮且欲陰資其利故爾誇張失實其事皆未可盡信至惠帝出亡本屬疑案若云潛踪海外尤荒誕無稽成祖此舉仍是欲實其遜國之跡以圖掩簒弑之名觀和等還朝並無一語及建文踪跡更足知其本意之所在矣

幣率兵三萬七千餘人造大船凡六十有二由蘇州劉家港泛海至福建達占城以次遍歷西洋頒天子詔宣示威德因給賜其君長不服則以兵懾之諸邦咸聽命比和還皆遣使者隨和朝貢帝大喜未幾復命和往遍賚諸邦由是來朝者益衆和先後凡七奉使初使港酋陳祖義舊港故三佛齊國也再使擒錫蘭國王亞列苦奈兒及其妻子最後蘇門答刺王子蘇幹利謀弑其王并欲殺和爲古來宦官所未有而諸番利中國貨物益互市通商往來不絕故當時有三保太監下西洋之說而後之奉命海表者莫不盛稱和以誇外番然中國前後耗費亦不貲其隨行軍士或以舟敗漂沒異國有十餘年始得還者什不存一二云

成祖於建文諸臣屠戮殆盡梅殷固守淮上抗拒經時而獨免于就誅不知者謂以肺腑獲全其實成祖久蓄猜嫌必不能留此心腹之患特不欲顯加之罪故迫為血書招之使來以圖易制耳故奸邪窺見意旨陳瑛甫効職深輩遂從而擠殺之當時未聞詰其致死之由則其隱微固可知矣繼因公主慟哭陳情姑歸罪職深以釋怨而其跡究不能掩即無橋下之謀殷又安能晏然終老牖下乎

冬十月殺駙馬都尉梅殷。

初殷守淮安悉力防禦及帝卽位殷尚擁兵淮上帝迫公主齧血為書招之殷得書慟哭及還京既入見帝曰駙馬勞苦對曰勞而無功徒自愧耳帝默然既而陳瑛奏殷祝詛畜養亡命帝命執殷家人送遼東至是殷入朝都督譚深指揮趙曦揣帝意不悅殷遂擠殷死橋下以殷自投水聞公主牽帝衣大哭帝歸罪深曦斬之官其二子有鄂爾和者降人也事殷久以深曦殺殷請于帝斷二人手足剖其腸祭殷遂自縊死按鄂爾和舊作瓦刺灰今改

十二月沐晟討八百大甸。

本八百媳婦國明初內附設八百者乃八百大甸一宣慰使

降之。

丙戌四年春正月初御午朝。

令羣臣奏事得從容陳論。

三月帝詣國子監行釋奠禮。

置開原廣寧馬市。

設馬市三。一在開原南關。以待海西。一在開原城東。一在廣寧。以待柔顏三衛。旣而城東廣寧市皆廢。惟南關市獨存。

夏四月詔求遺書。

六月己未朔日食不見。

禮官請賀不許。

秋七月以成國公朱能爲征夷將軍帥師討安南。

齊岷二王皆惠帝所廢成
祖既還其故封謂當恪備
屏藩以長保富貴乃未幾
博以兇暴驕縱梗以沉湎
擅殺並坐廢削可見二王
前日之禍實由自取不得
尤建文為過舉矣惟是齊

帝大發兵討安南。命能為征夷將軍沐晟張輔。字文弼。玉長子。副之。帥十八將軍分道進。一出廣西。一出雲南。詔之曰。安南皆朕赤子。惟黎季犛父子首惡必誅。他脅從者勿治。罪人既得。當擇陳氏子孫賢者立之。

閏月。營北京宮殿。

以泰寧侯陳珪

泰州人。

董其役。宥雜犯死罪以下。令輸作。

命大臣往川湖各省採大木佐工。

至十八年冬。郊廟宮殿始成。

八月。齊王博有罪。廢為庶人。

博性凶暴。復國後。益驕縱。帝賜書戒之。不悛。五月。博入朝。廷臣劾博罪。博厲聲曰。奸臣喋喋。又欲效建文時耶。會盡斬此輩。帝聞之。怒。留之京邸。削官屬護衛。及是。召

岷在建文時雖未昭彰遽
加貶絕不能申大義于天
下則由其君臣措置失宜
不及致詳而發之驟遂不
免貽燕節口實然其所以
基禍實皆由洪武之行封
建耳

其子至並廢爲庶人。

冬十月朱能卒于軍。詔以張輔代之。

十一月高文雅上書言事。詔授以官。

先是通政使受四方章奏。非重務不以聞。帝知之。降旨
切責。至是戶部人材高文雅上書言時政。首舉建文事。
次及救荒卹民。陳瑛劾其狂妄。請罪之。帝曰。草野之人
不知忌諱。言苟可採。勿以直而廢之。命吏部量授文雅
官。

十二月赦。

張輔大破安南兵。

輔軍出憑祥。

明置縣。後改州。今爲
土州。屬廣西太平府。

進破隘留雞陵二關。

隘留關在安南國舊諒山府北雞陵關注見上抵芹站沐晟亦由蒙白元縣今屬雲南

臨安府斬木通道奪諸關隘營白鶴江名在安南國舊興化府北安南

有東西二都交人以交州府為東都即古龍編城以清化府為西都即古九真城依宣洮

沱富良四江洮江即雲南瀾滄江下流經安南國臨洮府謂之洮江其北曰宣江亦曰宣化江其

南曰沱江合流處曰三江為固賊緣江兩岸樹柵築城

于多邦隘在安南國舊廣威州西連亘九百餘里輔軍次富良江

遣都督朱榮字仲華沂人破賊于嘉林江在安南國舊北江府西南富良江支

流也以經嘉林州故名遂與沐晟合軍進攻多邦城夜四鼓令軍

士人持炬火銅角越重濠雲梯傳其城指揮蔡福先登

士蟻附而上角鳴萬炬齊舉遂入城賊驅象迎戰輔以

畫獅蒙馬衝之翼以神機火器象皆反走賊大潰遂循

富良進攻東都遣別將李彬

字質文。定遠人。

等取西都。三江州

縣皆望風降。賊焚其宮室倉庫遁入海。

明年春。輔定諒江諸府。賊以舟

師入犯。大破之于木九江。斬首三萬餘級。

丁亥五年春二月。謫解縉爲廣西叅議。

縉建議立太子。語稍稍傳外庭。高煦深怨之。譖縉洩禁中語。帝怒。遽出縉。

三月。封西僧哈里瑪爲大寶法王。

先是。侯顯偕哈里瑪至。帝令建齋于靈谷寺。爲高帝高后薦福。或言卿雲甘露青鳥白象之屬。連日畢見。帝大喜。侍臣多獻賦頌。乃封哈里瑪萬行具足十方最勝圓覺妙智慧善普應祐國演教如來大寶法王。西天大善

自在佛。領天下釋教。賜印誥。其徒三人。亦封灌頂大國師。

夏四月。皇長孫瞻基出閣就學。

五月。張輔擒黎季犛及其子蒼。送京師。

官軍自諒江還。至鹹子關。

在安南國舊建昌府快州西北。自東南海道入者。此爲要

會之處。

賊以海艘入富良江。輔與沐晟夾岸迎戰。都督柳

升

懷遠人。

等以舟師橫擊。大破之。季犛父子以小舟遁至

海門涇。水涸。棄舟走。官軍至。驟雨。水漲數尺。舟畢渡。窮

追至奇羅海口。

在安南國舊安府東南。

獲季犛及其子蒼。檻送京

師。安南平。

六月。置交趾布政司。以行部尚書黃福

字如錫。昌邑人。領之。

求陳氏後不得。乃以安南爲交趾。設府十七。曰交州。領

五縣。北江。領州三。諒江。領州二。諒山。領州七。新安。領州

十三。建昌。領州一。奉化。領縣四。建平。領州一。鎮蠻。領縣四。三江。

領州三。宣化。領縣九。太原。領縣十一。清化。領州四。乂安。領州四。

新平。領州二。順化。領州一。升華。領州二。直隸布政司州

五。曰廣威。領縣二。宣化。領縣三。歸化。領縣四。嘉興。領縣三。濱州。領

三。其他要害。設十二衛控制之。置三司。以尚書黃福兼

掌布政。按察二司事。呂毅掌都司。黃中副之。

以下並爲刑科給事中。

時嚴誹謗之禁。山陽民丁鉦訐其鄉人誹謗得罪者數十人。法司迎上旨。言鉦才可用。立命爲給事中。

秋七月。皇后徐氏崩。

后好讀書。嘗為帝言。當世賢才皆高皇帝所遺。陛下不宜以新聞舊。又言。帝堯施仁。自親九族始。帝輒嘉納。及崩。帝大悲慟。為后薦大齋于靈谷天禧二寺。聽羣臣致祭。光祿為具物。初。后弟增壽為惠帝所誅。帝即位。欲贈爵。后力言不可。帝不聽。竟封之。使其子襲。以告后。后曰。非妾意也。終弗謝。

冬十一月。彗星見。

戊子。六年春正月。岷王榑有罪。罷其官屬。

榑在藩。與沐晟交惡。

晟于惠帝時劾榑。事見前。

帝以書諭榑。而召戒

晟。榑益沉湎廢禮。殺戮吏民。帝怒。奪寶冊。尋念榑建文

中久囚繫。復之。削其官屬護衛。

洪熙時。徙榑武岡。寄居州治。久之。始建王宮。

夏五月京師地震。

六月張輔沐晟班師還京。

論功輔封英國公晟封黔國公餘爵賞有差。

自唐之亡交趾淪于

蠻服四百餘年至是始隸版圖。輔還帝賦平安南歌以寵之。

秋八月交趾復亂。

大軍之討黎氏也。陳氏故官簡定先降。將遣詣京師。復

逸去。說羣盜鄧悉等下之。遂僭號稱大越。出沒化州山

中。大軍還。卽出攻鹹子關。扼三江府往來孔道。諸州縣

皆響應。事聞。帝命沐晟以兵四萬討之。晟與簡定戰于

生厥江。

在交州府西。

敗績。叅贊尚書劉儁。

字子士。江陵人。

被執。罵賊

死。呂毅及叅政劉昱。

武城人。

皆死。明年春。復命張輔主友。

荆州帥師與晟協剿簡定自稱上皇立陳季擴為帝賊勢益張季擴本蠻人詭言陳氏後交人不忍陳氏之亡于是相率歸季擴

九月詔理獄囚

科臣劾刑部都察院淹禁罪囚瘐死者衆帝召尚書呂震等切責期三日內悉疏雜犯死罪以下囚

冬十二月命安遠伯柳升平江伯陳瑄率舟師沿海捕倭

升遇倭于靈山

在萊州府膠州東南海中

敗之瑄追至白山島

在登州府

蓬萊縣海中

百戶唐錠等追至朝鮮義州界捷奏勅還師

己丑七年春正月申茶禁

洪武中以茶易馬

事見前

上馬給茶八十觔中下以次減

之帝初年招徠遠人遞增其數至是碭門茶馬司至用

茶馬通市以有易無原期于便遠人而濟國用若不籌贏絀一任昂直居奇則失和市之本意矣即如唐世易馬回紇多費縑帛而

馬不適用蓋彼時藉固
兵力不得不遂其欲雖知
其無益而不能自主故曰
居易有陰山遼東府刺之
至明之市馬在洪武時一
馬已給茶八十斤迨永樂
而幾增十倍所行馬復多
贏瘠價日重而物日輕其
後更為邊累并不止如居
易所議若今日哈薩克輸
誠內附願以馬易我之帛
一馬之直不過三四金較
常直未及三之一且多得
良馬會用白詩韻反其意
以記事設以明奉市易計
之省費豈啻什倍哉

茶八萬餘觔。增設茶馬司。後又特遣御史巡督。

二月。帝北巡。命皇太子監國。

詔惟文武除拜。邊軍調發。上請行在。自餘常務。悉啟太
子處分。命吏部尚書蹇義。兵部尚書金忠。右春坊大學
士黃淮。左諭德楊士奇。輔太子監國。時御史袁綱。章珩。
黨附陳瑛。陷兵部
主事李貞。太子察其冤。立白之。以帝方寵瑛。故特宥瑛。
而下綱。珩于獄。又御史方振。陷父喪。太子令械送行在。
于是人皆服
用法之當。

忠誠伯茹瑄下獄死。

瑄以首先勸進。封忠誠伯。坐不送趙王。遣歸里。既復逮
至京。得釋還。過長沙。不謁谷王。王以爲言。時方重藩王
禮。谷王又開金川門有功。帝意嚮之。遂逮瑄。下錦衣衛

獄瑞知不免服毒死。

三月都督僉事平安自殺。

初惠帝時安以列將屢挫燕軍已而兵敗被執事俱見前送

北平帝即位累進後軍都督僉事及是帝覽章奏見安

名曰平安尚在耶安聞遂自殺。

夏閏四月詔重罪皆五覆奏。

五月封衛拉特亦蒙古部落在韃靼西按衛瑪哈木特舊作

瑪哈木特今改為順寧王太平為賢義王巴圖博囉舊作把禿字羅今改

後仿此為安樂王衛拉特始見此

初元臣孟克特穆爾舊作猛可帖木兒今改後仿此據西陲衛拉特強

甚帝自起兵北平即與之通和已而孟克特穆爾死衆

分爲三其渠曰瑪哈木特曰太平曰巴圖博囉帝卽位
後屢遣使諭賜至是遣諾袞達什舊作暖答失今改後仿此等來貢
馬仍請封遂封三人皆紫金光祿大夫加王號自是歲
一朝貢。

遣給事中那驥使韃靼爲所殺。

韃靼知院阿嚕台殺郭勒齊迎元裔布尼雅錫哩舊作本雅失里今改于巴什伯里舊作別失八里今改立爲汗帝以書諭之
不聽命至是復遣驥往布尼雅錫哩殺之。

詔御史勿復用吏。

帝以御史爲朝廷耳目之寄宜用有學識達治體者詔
自今勿復用吏黜洪秉等四人爲序班鴻臚寺官秩從九品

秋七月。以邱福為征虜大將軍。帥師征韃靼。敗沒。

帝以福為大將軍。王聰。蒙古人。封副之王忠。人。封。

靖安侯。李遠。懷遠人。封。為左右叅將。將精騎十萬北討。時

布尼雅錫哩已為衛拉特所襲破。與阿魯台徙居臚胸

河。福帥千騎先馳。遇游兵。擊敗之。遂渡河。獲其尚書一

人。詭言布尼雅錫哩聞大兵至。惶恐北走。去此僅可三

十里。福大喜。信之。曰。當疾馳擒之。諸將請俟諸軍集。偵

虛實。然後進。福不從。率眾直薄敵營。戰二日。每戰。敵輒

佯敗引去。福銳意乘之。敵眾奄至。圍之數重。聰戰死。福

等皆被殺。全軍盡沒。初。福將出師。帝慮其敢戰輕敵。陛

為所。及福遇敵。進戰不已。李遠諫曰。敵誘我深入。進

言不可福皆不聽遂敗事聞帝震怒奪福封爵徙其家
海南追封李遠王忠為國公念諸將無可任者遂決意
親征

九月庚午朔日食

冬十一月張輔討交趾破之獲簡定

輔進師鹹子關賊以舟蔽江為營官軍衝擊乘風縱火

俘斬無算迨至太平海口

在鹹子關南

賊黨鄧景異迎戰短

兵接擊斬八百餘餘眾皆潰于是李擴自言陳氏後請

紹封輔曰向者徧索陳氏後不應今詐也吾奉命討賊

不知其他遂遣采榮等以步騎先輔舟師繼之自黃江

在安南國舊清化府東

元和志謂之小黃江下流入海

至神投海

亦曰神符海口在安南國舊建

平府

會師清化獲簡定于美良山中

美良交趾舊縣在故廣威州東南

及其黨送京師。皆伏誅。惟陳季擴遁去。帝留沐晟討之。

召輔還。

庚寅八年春二月。帝自將征韃靼。

以北征詔天下。命戶部尚書夏原吉。輔皇長孫瞻基。留

守北京。以王友督中軍。柳升副之。何福鄭亨合肥人督左

右哨。陳懋壽州人劉才字子才。霍邱人督左右掖。劉榮宿遷人督前

哨。眾五十萬出塞。帝次楊林戍。勒銘于山。至臚胸河。更其名曰飲馬。楊林戍在今蘇尼特

西北。為度漠處。

夏五月。大敗韃靼于鄂諾河。注詳前。布尼雅錫哩遁。遂征阿

魯台。

布尼雅錫哩聞大軍至。懼。邀阿魯台俱西。阿魯台不從。

衆潰散。君臣始各爲部。布尼雅錫哩西奔。阿嚕台東奔。帝追及布尼雅錫哩於鄂諾河。麾兵奮擊。大敗之。布尼雅錫哩棄輜重牲畜。以七騎遁。遂詔移師征阿嚕台。

六月。擊阿嚕台。敗之。

帝次青楊戍。

一統志。明永樂中北征。其度漠驛站。自庫倫靜鹵鎮。廣漠戍。諸處。方輿紀

要庫倫海子。在漠北飲馬河東。度飛雲。阿嚕台乞降。帝察其詐。令諸將嚴陣以待。已而果悉衆來犯。阿嚕

台帥千騎當中堅。帝自將精騎衝擊。矢下如雨。阿嚕台

墮馬。遂大敗。追奔百餘里。至廣漠戍。擒攝後者鐵之。遂

班師。

是年冬。阿嚕台遣使來貢馬。帝納之。

秋七月。帝還北京。

御奉天殿受朝賀論功行賞

帝在軍念士卒艱苦每晝食是日宴賚始復常膳

八月寧遠侯何福自殺

福在惠帝時與盛庸平安禦燕師于淮北戰敗奔還

事見

前帝即位命鎮寧夏甘肅委寄甚重

福在甘肅請以布市馬選其良者別

為羣馬大蕃息永昌苑牧馬自此始

及是從征還陳瑛劾其怨望福懼自

縊死

冬十一月帝還京師

九年春正月復命張輔帥師討交趾

前年冬沐晟追陳季擴于靈長海口

在安南國又安府東

大敗之

季擴遣使奉表乞降帝命為交趾布政使不受命剽掠

如故乃以輔為征虜將軍會晟討之

交人苦中國拘束又數為吏卒擾往

往起附賊。乍服乍叛。將帥益玩寇。輔至。申軍令。都督黃中違節度。詰之不遜。斬以徇。將士惕息。無敢不用命者。二月。都御史陳瑛以罪誅。

帝初即位。御下多用重典。瑛承風旨。專以搏擊為能。帝寵任之。瑛益務深刻。傾陷不可勝計。至是。帝始聞其諸不法狀。下獄死。天下快之。

命工部尚書宋禮。

字大本。河南永寧人。

浚會通河。

注見前。

河為元轉漕故道。岸狹水淺。元末已廢不用。洪武中。復因河決。遂淤。及帝建北京。河海兼運。海運險遠。多失亡。而河運則由江淮達陽武。陸輓百七十里。入衛河。民苦其勞。濟寧州同知潘叔正請復舊會通河。帝命禮治之。禮以會通之源。必資汶水。乃用汶上老人

鄉官名。洪武中。命有司擇

自宋禮用白茆策過汶。自南旺分流為運道。利賴者幾數百年。說者因其經營疏鑿。具有智力。遂疑其出于神助。殊不盡然。蓋五汶

所匯實居水脊中央高而南北下乃天地自然之形勢特衆人不識不能因勢利導自英獨深晰其精微故舉之易易耳且如大禹平成奏績事若神奇然疏淪決排亦不能舍天地自然之勢而別爲用何獨于英而疑之向閱視運河灼見其理曾詠詩以示大凡茲復引申厥旨如右

民高年而公正可任者聽其鄉詞訟謂之白英策築壩

東平之戴村

在東平州東

遏汶流使南無入洗

注見前

北無歸

海匯諸泉之水

汶河泉派凡百四十有五

盡出南旺

湖名在兗州府汶上縣西南有

東西二湖漕渠貫其中其

南爲蜀山湖北爲馬踏湖中分爲二道以四分南流接

徐沛六分北流達臨清南旺地勢高決其水南北皆注

所謂水脊也因相地勢置閘三十有八以時蓄洩禮又

請疏東平沙河

汶水支流逸而西出經東平州境謂之沙河

合馬常泊

即馬場湖

在濟寧州西北

之流以益汶

禮言會通河以汶泗爲源夏秋霖潦則馬常泊之流

亦入焉其水夏秋有餘冬春不足非引別水以益之必

有淺澁之患今東平東境沙河亦汶水支流通于泊比

年淤塞宜亟挑濬築堰障之禮旣得請又于汶上東平

濟寧沛縣諸處立水櫃陡門水櫃有四曰南旺曰安山

安山

曰馬場曰昭陽以蓄水陡門建于各閘

運道以成

見前。昭陽有大小二湖。北屬滕縣。南屬沛縣。

三月浚祥符縣黃河故道。謂賈魯河故道。

自洪武時河決原武。事見前。賈魯河故道久淤。既而決開

封。在洪武三十年。開封城三面受水。城遂圯。至永樂二年始修築。又決溫縣。在永樂二年。濟滌二

水交溢。壞堤四千丈。至是復大決開封。壞城二百餘丈。民被患者

萬四千餘戶。沒田七千五百餘頃。帝命工部侍郎張信

祥符人。時有兩張信。一于北平兵起時首先納款。已見前。一即此。往視信言。祥符縣魚

王口至中灤。注見前。下二十餘里有舊黃河岸。宜濬之以

殺水勢。時尚書宋禮侍郎金純。字德修。泗州人。方開會通河。帝

乃發民夫十萬。命興安伯徐亨侍郎蔣廷瓚偕純相治。

并令禮總其役。純引河自開封北復由故道。河自封邱金龍口下。

魚臺塌場。會于汶。由徐呂二洪入淮。塌場口在魚臺縣南。洪武初。徐達開此通餉。永樂後。爲運道所經。至嘉靖中。河決。河南水患稍息。遂堙廢。

夏六月。下交趾。右參議解縉于獄。

縉初謫廣西。復改交趾。督餉化州。入奏事。會帝北征。謁太子而還。高煦言。縉伺上出。私覲太子。徑歸。無人臣禮。帝震怒。時縉方偕檢討王偁道廣東。覽山川。上疏請鑿贛江。通南北。奏至。逮下獄。拷掠備至。詞連大理丞湯宗宗。人府經歷高得賜。中允李貫。編修朱紘。檢討蕭引高等。俱繫獄。得賜負紘引高。遂瘐死。縉在獄四年。錦衣衛酒。埋積雪中斃之。仍籍其家。妻子徙遼東。紀綱臨邑人。

秋七月。張輔大破交趾賊于月常江。在安南國舊清化府東。

賊據月常江。列柵樹椿設伏山石。輔遣將連艦拔椿以進。而自率步隊剿其伏兵。水陸夾攻。賊大敗。是冬復敗之于生厥江。

冬十月。封哈密推勒特穆爾

舊作兔力帖木兒。今改。後仿此。

爲忠義王。

初。哈密忠順王托克托以俘虜得歸。襲封。帝眷特厚。而托克托凌侮朝使。且沉湎不恤國事。帝賜敕戒諭。未至。托克托暴卒。乃封其從弟推勒特穆爾爲忠義王。賜印誥。世守哈密。自是修貢惟謹。

復修太祖實錄。

帝以前監修官李景隆。心術不正。又期限迫促。不能詳細。乃命姚廣孝等重修。

立皇太孫為儲貳已屬古所未有若既建太子又立太孫名號元設更無謂矣前此惟唐高宗之立重照嘗一行之然彼時武氏專政事出宮闈豈可據為典要况建文弗克終安其位覆鑑匪遙成祖既甚愛其孫尤不宜備革除故事以相期望若逆料高煦他日之心為不靖豫止名分以潛杜之則已既成命而萌逆志又安能禁其子之不效九乎

十一月立長孫瞻基為皇太孫

築海門捍潮隄

海溢舊隄圯

隄始自唐時名捍海堰宋范仲淹復修之故又名范公隄後屢築屢圯

自海

門至鹽城凡百三十里詔陳瑄以四十萬卒築治之為

捍潮隄萬八十餘丈已而瑄又言嘉定瀕海地江流衝

會海舟停泊無可依傍請于清浦築土山立墩表識既

成賜名寶山

在太倉州寶山縣南吳淞江口今縣以此名山周四百丈高五十餘丈海洋空濶遙

見千

帝親為文記之

事在明年

戊壬十年春正月詔入覲官言事

時入覲官千五百餘人命各陳民莫不言者罪之言有

不當勿問

二月削遼王植護衛

植之改封荊州也。請止給一衛。以備使令。而留其三護

衛于廣寧防邊。然帝終嫌其起兵時貳于已。

建文中植渡海歸朝。

事見前。至是并一衛削之。

秋八月勅邊將治壕垣。

自長安嶺

在宣化府龍門縣東南。

迤西至洗馬林。

在宣化府萬全縣西北。皆

築石垣深濠塹以固防禦。

九月以蘭芳

夏縣人。

爲工部侍郎。

芳爲都水主事。河決陽武中鹽隄遣芳按視。芳言隄當

急流之衝。河勢不可驟殺。宜捲土樹椿。以資捍禦。而自

中灤分導河流。使由故道。拒入海。誠萬世利。芳又以沿

河隄掃。止用蒲繩泥草。不能持久。請編木成大困。貫椿其中。實以瓦石。復以木炭貫之。牽築隄上。為殺水固隄之長策。詔悉從之。後嘗用其法。以宋禮薦擢侍郎。

冬十一月。命侍講楊榮經畧甘肅。

涼州會婁達哀。

舊作老的。今改。

叛。守將擊敗之。婁達哀走。

斤蒙古衛。

明置。今為玉門縣。屬安西州。

帝欲發兵討之。乃遣榮至陝

西。會豐城侯李彬議方畧。榮還言。隆冬。非出兵時。形亦言道遠餉難。宜緩圖之。乃賜勅詰責赤斤蒙古。明年。赤斤蒙古遂縛婁達哀來獻。

十二月。殺浙江按察使周新。

字志新。南海人。

時錦衣衛指揮紀綱用事。使千戶緝事浙中。作威受賕。

雄校調事至遠。歷州郡。倚勢作威。其為民害實甚。周新立加捕治。風力足稱然。

當時若即臆陳其受賄逞
兇之跡飛章上聞盡法處
治以成祖之英察或未必
為羣小所勝乃新不即糾
劾反使紀綱漸得先發制
人乘間誣讒宜其卒無以
自明也但以朝命逮繫之
人而旗校復敢藉報私仇
沿途撈掠成祖不惟不加
察究且怒其抗直誅戮旋
乃從此兇焰日張禍流朝
野鎮撫為明室一代耗政
始作俑者非成祖而誰

新捕治之。綱誣奏新罪。帝遽命逮新。旗校皆錦衣私人。
在道撈掠無完膚。既至。伏陛前。抗聲曰。陛下詔按察司
行事。與都察院同。臣奉詔擒姦惡。奈何罪臣。帝怒。命戮
之。臨刑大呼曰。生為直臣。死當作直鬼。竟殺之。新初為大理評事。善決獄。改御史。取言不避權貴。人目為冷面寒鐵。及按浙江。屬雪冤獄。周廉使名聞天下。至是以讒死。人咸冤之。

癸巳十一年春正月辛巳朔日食。罷朝賀。

二月置貴州布政使司。

貴州古羅施鬼國。漢西南夷牂牁武陵諸傍郡地。元置

八番。

五季時馬殷遣八帥討溪洞諸蠻。遂各分據之。號八番。今定番州諸長官司皆其地也。

順元

注見前。

諸宣慰司以羈縻之。太祖初平陳友諒。兵威振南

服思南

唐思州元思南宣慰司明永樂後為府今府屬貴州

宣慰田仁智

思州唐

州地元分置

江宣撫司後改思州明永樂後為府今府屬貴州

宣撫田仁厚率先歸

附即以故官授之命世守其地及洪武年貴州宣慰

翠

蜀漢火濟之裔世領水西後為安氏

同知宋欽

宋以後始領水東系見前

及普定

前

女總管適邇等先後來歸皆予以原官世襲賦稅聽

自輸納已而思南田宗鼎

仁智之孫

與思州田琛

仁厚之孫

構怨

相仇殺朝廷屢禁之不能止

初宗鼎與副使黃禧交惡許奏累年朝廷以田氏世

官曲宥之改禧知辰州府未幾宗鼎以爭地與思州有隙禧遂與琛結合兵攻思南宗鼎挈家走琛殺其弟發

其祖墓宗鼎訴于朝屢赦琛禧赴闕自辨皆拒命不至

至是帝命鎮遠侯顧成帥

兵擒之送京師詔分其地為八府

以思南地設思南鎮寧銅仁烏羅四府以

思州地設思州新化黎平石阡四府

四州

鎮遠安順永寧普安此四州皆貴州地且建置不在一時明

史土司傳蓋

門類書之

設貴州布政使司

治貴州宣慰司。後成化中分置程蕃府。至隆慶

末始改程蕃曰貴陽府。為布政司治。而宣慰司如故府所治在城北。宣慰所治在城南。

而以長官

司七十五分隸焉。貴州為內地自此始。

初洪武中設貴州都指揮使司。

至是領十八衛。而以長官司七隸焉。後二年復設按察使司。于是貴州二司官與各省同。而鄉貢則附于雲南。

令民牧馬

洪武初令應天諸府民牧馬。

初制應天太平鎮江廬州鳳陽揚州六府滁和二州

令民牧馬。既而復令飛熊廣武英武三衛軍五人共養一馬。歲課一駒解京。尋又以牧監羣馬悉歸有司。專令

民牧江南十一戶江北五戶養馬一免其身役課駒一。如三衛軍。

至是行之北畿計丁

養馬十五丁以下養馬一十六丁以上養馬二其以事

編發者七戶養馬一得除罪自後馬日蕃輒責民牧民

年十五即養馬復散之山東河南民漸苦之

山東自宣德四年始

國馬所係重飼育固不

可失宜至芻秣計直供需

尚恐胥吏侵肥重為閭閻

擾累若攻駒字牧更非民

度所諳乃盡以委之里下

其損益利病固不待智者

而知之也況宋牼戶馬保

馬之法責償於民文彥博

等力陳其害前史可微明

竟至專令民牧且歲課

一駒計丁費數償什幾而計寧息征派日增縱使免其丁徭而貽患無窮反不若力役之尚有限制弊政若此直全不知以恤民爲務矣

河南自正統十一年始

帝如北京皇太孫從命皇太子監國

以尚書蹇義學士黃淮諭德楊士奇洗馬楊溥

字弘濟石首人

輔太子監國

葬仁孝皇后

先是帝營壽陵于昌平封其山曰天壽

事在永樂七年

至是始

成名曰長陵

在昌平州北

以后葬焉

夏五月定死罪納贖例

命法司定議死罪情重者殺之情輕者得納贖斬八千

貫絞六千貫流徙以下納鈔有差無力者發天壽山種

樹

秋七月封阿魯台爲和寧王。

先是衛拉特瑪哈木特累請賞賚留敕使不遣。帝遣中官賁敕責之。旣而瑪哈木特弑其主布尼雅錫哩立塔爾巴舊作答里巴。今改。後仿此。爲汗。阿魯台遣使來告。請發兵討賊。願率所部爲前鋒。故有是命。

八月北京地震。

甲午十二年春二月詔親征衛拉特。

瑪哈木特擁兵飲馬河。將悉衆南犯。揚言襲阿魯台。開平守將以聞。帝下詔親征。以柳升領大營。鄭亨領中軍。

陳懋李彬領左右哨王通

咸寧人。譚壽淵之子。

領左右掖劉

江

卽劉榮。初冒父名江。後始更名。故江與榮互書。

朱榮爲前鋒。先遣榮等率師

駐興和。

三月張輔追獲陳季擴于老撾。

蠻名撾家。明置宣慰司。距雲南布政司六十八程。今

爲南掌國。

先是輔與晟會順州。

永樂中置屬順化府。

敗賊于愛子江。

在順州東北。

破其象陣俘斬千餘人。擒僞將軍潘徑阮徐等。

事在十年冬。

至是進師羅蒙江。

在交趾廢田和縣界。

道險騎不得進。輔與將校

徒步行山箐中。夜半抵其巢。悉擒鄧景異阮鎔等。皆磔

以徇。又遣別將追斬阮帥于南靈州。

永樂中置屬新平府。

季擴走

老撾。輔遣指揮師祐破其三關。

方輿紀要在老撾東南與交趾接界處。

遂

縛季擴及其孥送京師。斬之交趾。復平。

帝發北京皇太孫從。

帝謂侍臣曰朕長孫聰明英銳宜歷行陣俾知兵法且可悉將士之勞苦知征伐之不易又命學士胡廣等卽軍中爲太孫講論經史。

夏六月至和拉和錫袞。

方輿紀要在漠北故和林東按和拉和錫袞舊作忽蘭忽失溫今改。

大破衛拉特兵追至圖拉河瑪哈木特遁。

前鋒都督劉江等遇敵于剛哈拉海。

漠北地名舊作康哈里孩今改正。

擒斬數十人帝命諸軍兼程進至和拉和錫袞瑪哈木

特等三部埽境來戰帝升高阜見其衆分三隊乃命柳

升等攻其中陳懋王通攻其右李彬譚青馬聚攻其左

火器齊發帝親率鐵騎馳擊大破之斬其王子十餘人

部衆數千級追奔度兩高山至圖拉河瑪哈木特等遁

帝欲窮追。皇太孫請及時班師從之。還至三峯山。阿魯台復遣使來朝。

秋八月。帝還北京。

蠲北京州縣田租二年。

閏月下右春坊大學士黃淮等于獄。

帝親征還。太子遣使迎稍緩。帝入。高煦譖悉徵東宮官

屬下詔獄。楊士奇。楊溥。金問。字公素。吳人。皆坐繫。特宥士奇

復職。

廢晉王濟熿。恭王。桐子。為庶人。進封平陽王。濟熿。濟熿弟。為晉王。

濟熿少很戾。失愛於父。濟熿既嗣位。濟熿追憾其父。并

憾濟熿。嗾其弟慶成王濟炫等。日譖濟熿于朝。又誘府

濟熿失愛于父。不思自反。轉以此積憾。而并及其兄。其傲很頑。庸何足令之紹。

封承緒況濟熿自嗣位以後未聞侯度有愆乃遽信其弟譏搆之言重加黜奪以養成濟熿罪惡至于人莫敢言其顛倒已極又何怪高煦兄弟之蓄謀譖奪乎

中官校文致其罪帝信之奪濟熿爵及世子美圭並為庶人而立濟熿為晉王

濟熿既立驕恣暴橫一府咸被其害至進毒弑嫡母謝氏逼丞

恭王侍兒人莫敢言

冬十一月命翰林學士胡廣等修五經四書及宋儒性理諸書

書成名曰大全頒行天下

大全書全摭宋元諸儒成說類聚成編鮮所折衷後儒少

之

乙未十三年春正月瑪哈木特遣使來朝

瑪哈木特遣使謝罪貢馬詞極卑順帝曰衛拉特不足與較受其獻館其使者

釋工作囚徒

先是命山繫囚輸作贖罪。既而多亡者。有司請捕之。帝曰。此皆衣食空乏。出于不得已。遂命見役者俱還家。共釋四千九百餘人。

罷海運。

會通河既開。黃河與之合流入淮。

俱見前。

漕道大通。遂罷

海運。

三月。帝策士于北京。

夏四月。命英國公張輔出鎮交趾。

輔班師甫還。

在三

論功賞賚。旋遣出鎮。

輔至交趾。討餘寇陳月湖等。平

之。

兵部尚書兼詹事金忠卒。

諡忠襄。

忠少隨兄戍通州。以善卜聞。燕兵既起。僧道衍薦爲謀

臣。

事見前。

帝卽位。歷官兵部尚書。定建儲議。兼詹事。帝北

征。輔太子監國。帝入高煦譖。悉徵東宮官屬下獄。以忠
勲舊不問。而密令審察太子事。忠言無有。帝怒。忠免冠
頓首。願連坐以保之。以故太子得無廢。而官僚楊溥黃
淮等亦獲全。至是卒。

五月丁酉朔日食。

開清江浦。

在淮安府山陽縣西北。運河由此出清口。爲水陸孔途。今河道總督駐此。

初漕粟至淮安。陸運以達清河。勞費甚鉅。陳瑄請自淮

安城西管家湖。

舊有南北二湖。今淤爲田。

鑿渠二十里。爲清江浦。

宋轉

運使喬維岳嘗開此。瑄復濬之。

導湖水入淮。置四閘以宣洩。又緣河十

里築隄。引漕舟直達于河。漕運稱便。

秋九月。北京地震。

丙申十四年春正月。賑北京河南山東饑。

發粟一百三十八萬賑之。

三月。阿魯台敗衛拉特來獻捷。

夏四月。禮部尚書呂震請封禪。不許。

時禮部郎中周訥請封禪。震力贊之。帝謂曰。今天下水旱疾疫。難語太平。昔唐太宗欲行封禪。魏徵力諫而止。爾等所請。異於徵之所以愛君者矣。不許。

秋七月。掌錦衣衛事紀綱伏誅。

綱便僻詭黠。善鈎人意。帝愛幸之。令典詔獄。綱覘帝旨。

成祖篡奪之初。果於殺戮。以立威洩憤。陳瑛遂得逞。

其毒手以覲倖寵恩迨天下既定更宜布德示公廓然昭無我之度乃復信用紀綱俾得售其黷惡其意何居雖此輩終不免于刑戮然及其誅夷天下之蒙其毒者已衆瑛綱凶險固不足責成祖亦殘忍不仁也哉

廣布校尉日摘臣民陰事。帝悉下綱治。深文誣詆。帝以爲忠。擢都指揮僉事。掌錦衣衛。綱益恣橫。謀不軌。內侍讐綱者發其罪。下都察院按治有狀。即日磔于市。天下快之。

九月京師地震。

始命御史巡鹽。

冬十月帝還京師。

十一月召張輔還。

輔凡四至交趾。前後建置郡邑。及增設驛傳遞運。規畫甚備。交人所畏。惟輔至是召還。

西十五年春二月谷王穗有罪廢爲庶人。

櫨自從封長沙。恃前開門功。日益驕恣。謀不軌。其護衛張興懼禍及。因奏事北京。白之。帝未信。會蜀王椿子悅燭得罪。逃櫨所。櫨因詭衆曰。建文君尚在我。將爲申大義。椿聞之。上變告。帝召櫨入朝。示以蜀王章。櫨伏地請罪。羣臣請誅之。又下諸王議。皆以爲當死。帝曰。吾寧生櫨。乃廢櫨及其二子。並爲庶人。

命豐城侯李彬鎮交趾。

三月。漢王高煦有罪。徙封樂安州。

本唐棣州。明改樂安。後改武定。今府屬山東。

高煦初封雲南。曰。我何罪而斥萬里。不肯行。

高煦請得天策衛爲

護衛。曰。唐太宗天策上將。吾得之豈偶然。

已而改封青州。又托故不欲往。私

選各衛健士爲腹心。又募兵三千人。不隸籍兵部。縱使

高煦恃寵橫行。募兵劫掠。不軌之跡已形。至于搃殺指揮。尤目無法紀。成祖既廉得其事。立加廢黜。實爲罰蔽厥辜。當時太子不念其譖害之惡。而示包容。雖

稱大度若國典所在豈
參以兄弟私情况削爵拘
囚不過少示挫辱于高煦
又復何損倘因此思愆改
善或可長冀保全乃太子
以婦人之仁涕泣陳請仍
令就藩坐使梟獍性成異
謀潛蓄他日逍遙見繫竟
至身殞銅缸則一朝姑息
之愛適以貽之害耳

劫掠兵馬指揮徐野驢擒治之高煦手鐵爪搥殺野驢
衆莫敢言遂僭用乘輿器物帝還京師盡得其不法數
十事召至切責之褫衣冠繫西華門將廢爲庶人皇太
子泣涕力救乃削兩護衛誅其左右數人徙封樂安州
趣卽日行

帝北巡命皇太子監國

戊十六年春正月交趾復亂

交人故好亂中官馬騏以采辦至大索境內珍寶人情
擾動桀黠者鼓煽之大軍甫還卽並起爲寇李彬遣將
討定之至是俄樂交趾舊縣屬清化府巡檢黎利及乂安知府潘
僚等復乘機作亂利初事陳氏爲金吾將軍歸命後授

成祖時所號功臣其始皆
燕藩黨然諸人不過附
和擁戴尚非構叛之尤者
姚廣孝出自緇流當其選
僧而請侍燕邸則在洪武
時早已隱懷不軌迨燕王
欲稱兵犯順有人心向彼
之言尚不無少懷忌憚而
廣孝康陳天道方為惡惠
本其好亂之性復佐以陰
贊謀又適會骨肉危疑
釁端有在遂思一逞以快

巡檢以是常怏怏與其黨放兵四掠叅政侯保賁皇人馮

貴武陵人死焉帝以賊久未平命榮昌伯陳智壽州人為左

叅將助彬討之在十八年其後羣寇悉破滅惟利竄匿老搃

彬檄其酋發所部兵捕之不獲

三月姚廣孝死

初北平兵起陰謀首發自廣孝及帝轉戰有天下廣孝

決策之功為多論者謂帝躬冒不韙以爭天下惠帝不終諸臣被戮追原禍首皆廣孝始之

既拜太子少師至長洲候同產姊姊不納訪其友王賓

號光菴長洲人賓亦不見但遙語曰和尚誤矣和尚誤矣復往

見姊姊詈之廣孝惘然至是死追封榮國公王賓不見廣孝舊史

例議引錢謙益列朝詩集以為廣孝出賑蘇湖至長洲
徒步訪賓謙益列朝詩集以為廣孝出賑蘇湖至長洲賓作賑災記鋪陳其功德考震澤

其心令成祖永被惡名而惠帝遂傾國祚身為戎首不容誅以視左吳伍被之流其教反同而凶險實為過之顧欲自比于劉秉忠其亦不倫甚矣今特據揚雄賈充等例變文書死以著其罪且以見亂臣賊子之斷不容有佚罰也

記聞稱賓吳中高士。豈肯漫作諛語。頌要人功德。且其記安在。後人未聞有見之者。謙益說不足據。今明史仍采建文遺跡語。載入廣孝本傳。遵之。

夏五月。胡廣卒。

諡文穆。

廣于建文時對策。指摘親藩。遂擢第一。及帝即位。首偕解縉迎附。以醇謹見幸。時人以方漢胡廣。始終恩寵弗衰。及卒。特賜諡。

秋七月。下贊善梁潛。

字用之。秦和人。

司諫周冕。

繁昌人。

于獄殺之。

時太子監國。宦寺黃儼等黨趙王高燧。陰謀奪嫡。譖太子擅赦罪人。帝怒。以潛冕輔導有闕。下獄死。

己未十七年。夏六月。倭寇遼東。總兵官劉江擊破之。

江後以破倭功

封伯。改名榮。

倭數寇海上。江度形勢。請于望海塢。

在奉天府寧海縣東南。其地高可屯

兵瞭望。為煩海要地。

築城堡以備之。倭入王家山島。

在寧海縣東南海中。

江急引兵赴塢。依山設伏。別遣將斷其歸路。以步卒迎戰。

賊敗走。江分兩路夾擊。盡覆之。倭自是不敢復入遼東。

庚子

十八年春二月。蒲臺

隋縣。今屬山東武定府。

妖婦唐賽兒作亂。討

平之。

賽兒。蒲臺縣民林三妻。以幻術聚眾。

自稱佛母。知成敗。得石函中寶書神

劍。役鬼神。剪紙作人馬相戰鬪。

據益都卸石棚。

在益都縣西南。

為亂。攻下莒。即

墨圍安邱。詔安遠侯柳升與都指揮劉忠將京軍往勦。

升自以大將。意輕賊。賊乞降。信之。夜為所襲。忠中流矢

死。比明升始覺。賽兒已遁。別賊攻安邱益急。都指揮僉

事衛青

字明德華亭人

方屯海上聞之師千騎晝夜馳抵城下

再戰大敗之斬馘六千餘人鰲山

明衛在郎墨縣東今裁

指揮王

真亦殲賊于諸城賊遂平而賽兒卒不獲升忌青功摧

辱之爲刑部尚書吳中

字思正武城人

所劾詔擢青都指揮使

徵升下獄已得釋

帝以賽兒未獲寇誅擢刑部郎中段民爲左叅政時

索賽兒急蓋逮山東北京及天下尼媪先後幾萬人所

在大擾民力爲矜宥人情始安

段民字時舉武進人

秋八月丁酉朔日食

冬十一月召皇太孫從皇太子至北京

時將遷都故有是命

辛丑

十九年春正月遷都北京赦

改京師爲南京以北京爲京師徙都之頒詔天下大祀

天地于南郊赦。

夏四月。奉天謹身華蓋三殿災。

詔羣臣條奏闕失。直言無隱。

殺主事蕭儀。下侍讀李時勉。

名懋。以字行。安福人。于獄。

左庶子兼侍講鄒緝。

字仲熙。吉水人。

應詔上言。

畧曰。陛下肇建

調度甚廣。農民終歲供役。猶且伐桑棗以供薪。剝桑皮以爲楮。加之官吏橫征。日甚一日。非其土產。動科于瓦。小民轉購他所。其值倍蓰。及至進納。多不中程。往復輾轉。重爲民累。又自營建以來。工匠假託威勢。驅民移徙。號令一出。屋宇立摧。與突粗完。又復重徙。有三四遷而不能定居者。此陛下所不知。而人民疾怨者也。貪官污吏。徧布內外。朝廷每遣一人。虐取苛求。初無限量。有司承奉。惟恐不及。剝下媚上。有同交易。小民所積幾何。而誅求若此。今山東河南山西陝西。水旱相仍。民至剝樹皮。掘草根爲食。而京師聚僧道萬餘人。日耗廩米。此奪民食以養無用也。朝廷歲賫錢幣。市馬外蕃。所出數十萬。而所取不能一二。散馬民間。馬死輒令賠補。不知人

古國原不待特金湯爲固
然如燕地負山帶海形勢
雄偉臨中夏而控北荒誠
可謂扼天下之吭而拊其
背者故金元皆以此龍興
虎視其北建康偏安之地
相去適若天淵成祖自就
封北平屢經出塞凡天時
地利所在籌之已熟故即
位以後決計遷都定其規

民耗矣。多馬奚禪。漠北降人。皆懷窺覷。非真遠慕王化。
乃使羣居輦轂。盛供帳。厚賞賚。以優之。此豈足明廣大
耶。夫奉天殿。陛下正朝也。災首及焉。自非省躬責已。改
革政化。疏滌天下窮困之人。不能上回天怒。願還都南
京。保養聖躬。散遣工匠。停止征。疏入。不省。時帝方以定
都詔天下。忽罹火災。頗懼。而言事者僉云。遷都不便。帝
不懌。儀與時勉言尤峻切。帝于是發怒。殺儀。下時勉獄。
時勉條上十五事。極言北京營建之非。及入貢諸人。不
宜使羣居輦轂。大拂帝意。已觀其他說。多中時病。擲地
復取者。再率多施行。會大臣希旨。詆出給事柯暹。
暹字啓州建德人。御史鄭維桓。慈谿人。等于外。事在五月。而緝竟得無罪。
命蹇義等分巡天下。安撫軍民。

以三殿災。勅廷臣二十六人分巡天下。問軍民疾苦。文
武長吏擾民者。奏黜之。

橫而後從事。卓識獨斷。誠非近慮者所可及。不得以繼舊即訾之也。至若非常之原。黎民所懼。一時營建工役繁興。自不能保其必無謗譟蕭儀等狃于書生之見。紛紛諫阻。實爲未達于事理。不知盤庚遷殷尚屢念浮言之胥動。則可與樂成難與慮始者。寧獨後世爲然哉。

秋八月辛卯朔日食。

冬十一月遣使覈天下庫藏。

下戶部尚書夏原吉等于獄。兵部尚書方賓錢塘人自殺。

帝將大舉北征。詔原吉。賓及刑部尚書吳中等議。皆以爲兵不當出。帝召賓。賓力言軍興費絀。帝不懌。召原吉問邊儲多寡。對曰。比年師出無功。軍儲十喪八九。災眚迭作。內外俱疲。乞遣將往征。勿勞車駕。帝怒。立命原吉出視開平糧儲。而吳中入對如賓言。帝益怒。下原吉及中于獄。賓懼。自經死。遂命侍郎張本等分往山東山西河南及應天諸府督造糧車。發丁夫輓運。期以明年二月集宣府。

壬寅二十年春正月己未朔日食罷朝會

帝自將征阿魯台命皇太子監國

阿魯台初爲衛拉特所敗窮蹙南竄帝納而封之數年生聚蕃富浸桀驁拘留朝使時將兵出沒塞下至是大入興和殺都指揮王瑛帝于是決策親征

夏六月雨水傷稼

南北畿山東數十州縣霪雨傷稼

秋七月帝至沙狐原

在興和北

阿魯台懼北遁遂移師征烏梁

海

大軍至開平諜報阿魯台攻萬全諸將請分兵還擊帝曰詐也彼慮吾搗巢欲以此牽制我疾驅之攻萬全者

果遁去。大軍次沙狐原阿嚕台大懼。母妻皆詈之。于是盡棄輜重于庫倫海側。遁去。命發兵焚之。收其牲畜而還。帝謂諸將曰。阿嚕台恃有烏梁海部衆。敢行悖逆。當移師翦之。遂簡步騎二萬。五道並進。至啟拉爾河。方輿紀要在朶顏境內。舊作屈裂兒河。今改。遇其部衆。帝麾騎夾擊。自率前鋒衝之。皆散走。其地背河。面左皆山。大軍依山而軍。帝乘高望之。見其衆稍復聚。乃麾兵繞出其右。其衆突至。盡獲之。又麾兵繞出其左。先伏神機弩于深林中。其衆棄輜重走左。遇伏。遂大潰。追奔三十里。斬部長數十人。別以兵徇河西。斬獲甚衆。

八月。詔班師。

成祖每出征輒以國事委之太子其還也必遷怒官僚紛紛下獄至瘐死者接踵雖讒人交構所致亦由成祖之處置失宜蓋立儲已鮮克善全而監國尤易招疑譬即總師以出大事原可由行在親裁庶務亦可簡重臣分理何必令在潛勿用之人總攝朝政使媒孽者得藉以爲辭哉

諸將分道捕擊者亦以次獻捷乃下詔班師。

九月帝還京師。

下左春坊大學士楊士奇吏部尚書兼詹事蹇義于獄尋釋之。

太子屢遭讒搆帝以士奇輔導有關下錦衣獄禮部尚書呂震壻張鶴朝叅失儀太子宥之帝怒義不匡正命與震並下獄尋皆釋之。

冬十月遣使覈天下倉儲。

閏月乾清宮災。

癸卯二十一年夏五月趙護衛指揮孟賢等謀逆伏誅。

帝有疾多不視朝賢與宦官黃儼衛士高以正等相結。

造偽詔謀進毒于帝。從中下詔廢太子而立趙王。以正語其甥王瑜。瑜上變。帝立捕賢等鞠之。得實。帝顧高燧曰。汝爲之耶。高燧戰慄不能言。太子力解之曰。此下人所爲。高燧必不與知。乃得免。賢等皆伏誅。

六月庚戌朔日食。

秋七月。釋李時勉于獄。復其官。

八月。帝復自將征阿嚕台。命皇太子監國。

邊將言阿嚕台將帥衆南犯。帝曰。彼意吾不能復出耳。當先駐塞下待之。

冬十月。帝至上莊堡。

在宣化府萬全縣北。

蒙古額森托干

舊作也先土干。今改。

後仿此。來降。詔班師。

大軍至西陽河。

即西洋河。在宣化府懷安縣西北。自山西天鎮縣流入。經西陽河堡。下流與東

洋河合。入桑乾河。

聞阿嚕台爲衛拉特所敗。部落潰散。遂駐師。

命陳懋爲前鋒。至宿嵬山。

方輿紀要在興和北。亦曰宿嵬口。度漠處也。

遇王

子額森托干率所部來降。帝大喜。封爲忠勇王。賜姓名

金忠。賞賚甚厚。遂班師。

十二月。帝還京師。

甲辰

二十二年春正月。復詔北征。

金忠數請擊阿嚕台。願爲前鋒自効。帝初不許。會開平

守將言。阿嚕台兵在近邊。羣臣勸帝如忠言。帝意遂決。

夏四月。帝發京師。命皇太子監國。

大學士楊榮。金幼孜。從。楊士奇等留京師。輔太子。大軍

至開平獲謀者知阿嚙台遁。帝意亦厭兵。乃下詔暴阿嚙台罪。而宥其來降者。時比年用兵。白骨被野。帝命瘞諸道旁。親製文紀之。

六月至達蘭納穆爾河。

方輿紀要在和林東北。或曰。卽庫庫諾爾海。元太祖初。會集部落之地。

按達蘭納穆爾。舊作答蘭納木兒。今並改。詔班師。

庫庫諾爾。舊作濶濶納活兒。前鋒至達蘭納穆爾河。不見敵。命張輔等窮搜山谷。三百餘里。無一馬跡。帝進駐河上。令陳懋等前覘。懋至白

邙山。

方輿紀要在漠外。

無所遇。以糧盡引還。

南京地震。

秋七月。帝有疾。至榆木川。

在故開平城西北。崩。

帝還至清水源。

在漠北。八年春。帝北征過此。甘泉溢出。名之曰神應。

命楊榮。金幼

孜刻崖石爲銘。遣呂震以旋師諭皇太子。詔告天下。時帝已不豫。次蒼崖戍。疾甚。顧左右歎曰。夏原吉愛我。至榆木川。疾大漸。遺詔傳位皇太子。喪禮一如高皇帝遺制。遂崩。楊榮。金幼孜等。議以六師在外。秘不發喪。鎔錫爲輅以斂。載以龍輦。所至朝夕上食如常儀。榮及御馬少監海壽。馳訃太子。遣太孫奉迎。次鵬鶚谷。在宣化府龍門縣東。有太孫至。軍中始發喪。及郊。迎入仁智殿。加殮納梓宮。

八月。太子高熾卽位。

是爲仁宗。

大赦天下。以明年爲洪熙元年。

釋夏原吉。黃淮等于獄。復其官。

時原吉及吳中楊勉。黃淮。楊溥。金問。皆久繫獄中。遺詔

至京師。太子卽釋之。咨原吉以時事。原吉對以賑饑。省賦役。罷西洋取寶船。及雲南交趾採辦。悉從之。旣卽位。復原吉等官。

復置三公三孤官。

洪武初。置三公官。以李善長等爲之。三孤無兼領者。建文。永樂間。罷公孤官。至是。復設。以公侯伯尚書兼之。加楊榮。金幼孜。楊士奇。黃淮等官。領內閣事如故。

初。解縉等入文淵閣。皆編檢講讀之官。不得專制諸司。諸司奏事。亦不得相關白。帝卽位。以榮。士奇等皆東宮舊臣。乃進榮爲太常卿。幼孜爲戶部侍郎。兼文淵閣大學士如故。士奇爲禮部侍郎。兼華蓋殿大學士。黃淮爲

通政使兼武英殿大學士已復置謹身殿大學士改榮
爲之未幾榮士奇皆遷尚書閣職漸崇

九月召黃福于交趾以兵部尚書陳洽

字叔遠武進人代之

黃福之在交趾固得鎮撫
荒服之道而紀者遂謂交
趾之亂由福召還而益熾
殊不盡然試核福在交趾
時事如馬騏等以採辦激
變致啟禍源福並未嘗稍
加裁抑則所謂戒無苛擾
者安在况自衛定陳季擴
黎利等相繼盜兵老師糜
餉亦不聞福能運籌戡定
又何可云上下帖然迨後
福銜命再往旋卽奔還幾
遭拘繫則福卽不召還其
不能遽靖邊氛已可槩見
史家稱譽過當大率如此

福在交趾十九年編氓籍定賦稅興學校置官師數召
父老宣諭德意戒屬吏毋苛擾一切鎮之以靜上下帖
然帝以福久勞于外召還交人扶携走送號泣不忍別
福旣還交趾賊遂劇訖不能靖

羣臣請公除不許

易月制滿禮部尚書呂震請卽吉侍郎楊士奇不可尚
書蹇義兼取二說進帝曰梓宮在殯易服豈臣子忍言
士奇執是也明日帝素冠麻衣經而視朝時羣臣皆已
吉服惟士奇

及英國公張輔服知帝。帝歎曰。輔武臣也。而知禮過六卿。由是益見親重。

詔曰。今官用物。悉于所產地市之。

詔工部曰。古者任土作貢。不强所無。比年如丹漆石青之類。所司不究物產之地。槩徵郡縣。科派病民。自今官所用物。必于所產地計直市之。違者罪不宥。

始置南京守備。

以襄城伯李隆

字彥平。和州人。濬之子。

爲之。兼領中軍都督府事。

勲臣守備南京自此始。其後復以內臣同守備。

後景泰中。復置

協同守備一人。

鎮守交趾。中官山壽請授黎利。清化知府從之。

初。利未叛時。與壽相善。及竄老撾。已爲所逐。

朝廷詰責故逐利。

山壽以中官出鎮至與叛
臣交好已難遣壽之誅
及身自入朝復以招降為
請力保無虞顧齋敕前往
而寇患已深旋復以虛詞
掩飾其欺妄之罪益無可
逃況仁宗前此曾慮及為
其所給因壽以死自明始
從其策則說既不售即當
備舉而言子之顯罰乃非
但不加譴責反令其得專
進止坐使壽以招撫養
癰縱賊猖獗其失誠不能
為之恕仁宗稱明之令辟
觀於此殆亦慈惠有餘而
英斷不足者歟

乃率眾求撫而匿餞樂不出尋寇茶籠交趾舊州屬又安府敗鎮

守叅將方政全椒人兵殺指揮伍雲定遠人會帝踐阼壽入

朝力言利與已相信今往諭之必來歸帝恐為所紿壽

叩頭言如利不來臣當萬死帝領之遣壽齋敕往諭敕

甫降利已犯清化指揮同知陳忠臨淮人戰沒明年春利

得救亦無降意陽言俟秋涼赴官而寇掠不已時榮昌伯陳智

與方政協同鎮守智暗懦素無將畧又與政積不相能而中官山壽一意主撫專進止以故賊益猖獗官軍不

能制

賜少傅兼吏部尚書蹇義等銀章

義進少傅楊士奇進少保楊榮進太子少傅金幼孜進

太子少保賜銀章各一曰繩愆糾繆諭以協心贊務凡

四方奏報雨澤隨時省覽
法最善通政使乃請送給
事中存貯是不但視為具
文并與塞闕上聞者何異
仁宗慮其遏抑仍令奏至
即謂深得敬天愛民之義
洪武間大封諸王據要郡
擁重兵未收維城之效而

政事有闕或羣臣言而未從者用此章密疏以聞既而進戶

部尚書夏原吉少保賜原吉銀章諭勉如義士奇等

冬十月復魏國公徐欽爵

初輝祖以忤成祖奪爵

事見前

及卒復封其子欽十九年

來朝不辭徑去成祖怒罷為民至是復故爵

召有司奏雨澤者即以聞

通政使請彙四方雨澤章奏送給事中收貯帝曰祖宗

欲前知水旱以便恤民故令奏雨澤今送給事是終不

知也自今奏至即以聞

立皇后張氏

永成人兵馬副指揮驥之女

立子瞻基為皇太子

神變已生燕事其明証也
追永樂以後其覬覦非分
者如齊如石尚各懷僥倖
之心利弊所在較然可觀
則借鑒積轍仁宗豈應念
不及此乃即位之始即裂
地以封諸子實為因仍謬
誤其後累朝遂沿為故事
藩封幾遍中原陸梁者雖
旋即剪除而裁制者又不
無過刻遂宗祿日眾伊億
不支仰屋以籌訖無善策
固明祖貽謀不臧而仁宗
目擊其病不能早計變通
亦昧于權衡損益之大端
矣

并封子瞻垓

帝第二子

為鄭王

居鳳翔後徙懷慶

瞻墉

帝第三子

越王

居衢

州未之藩卒

瞻塏

帝第五子

襄王

居長沙後徙襄陽

瞻垓

帝第六子

荆王

居建昌後

徙蘄州

瞻垓

帝第七子

淮王

居韶州後徙饒州

瞻塏

帝第八子

滕王

居雲南未之藩

卒

瞻垓

帝第九子

梁王

居安陸

瞻垓

帝第十子

衛王

居懷慶未之藩

詔舉賢才

令于五品以下官及軍民中訪薦德行惇篤文學優長者量材擢用舉後犯贓則連坐舉者

者量材擢用舉後犯贓則連坐舉者

命大學士會法司錄囚

帝性仁恕諭楊士奇楊榮金幼孜曰比年法司之濫朕

所深知所擬大逆不道往往出于文致自今審決重囚

卿三人必往同讞有冤抑者雖細故必以聞

十一月。詔羣臣極言得失。

葬長陵。

諡曰文皇帝。廟號太宗。後嘉靖中。更廟號曰成祖。

明史贊曰。文皇少長習兵。據幽燕形勝之地。乘建文孱弱。長驅內向。奄有天下。即位以後。知人善任。雄武之畧。同符高祖。六師屢出。漠北塵清。成功駿烈。卓乎盛矣。然而革除之際。倒行逆施。愍德亦曷可掩哉。

仁宗皇帝

乙巳。洪熙元年。春正月。建弘文閣。

詔選諸臣有學行者入直。楊士奇薦侍講王進。儒士陳

繼。字嗣初。吳縣人。蹇義薦學錄楊敬。訓導何澄。詔以繼爲博士。

敬爲編修。澄爲給事中。直閣中。命學士楊溥掌閣事。進

佐之。帝親授榮閣印。曰。用卿等。非止助益學問。亦欲廣知民事。爲理道助。如有建白。封識以進。

二月。帝耕藉田。

南京地震。

凡十有六震。

四月又三震。五月復震。

三月。以權謹

字仲常。徐州人。

爲文華殿大學士。

謹初爲光祿丞。事母至孝。帝曰。能孝者必忠。忠孝之人。可任輔導。特擢之。

詔求直言。

初大理少卿弋謙。

代州人。

言事過激。帝怒。停謙朝參。未幾。

帝以言者益少。遂詔羣臣曰。去冬無雪。今春少雨。陰陽愆和。必有其咎。朕于謙一時不能含容。未嘗不自愧咎。爾諸臣勿以前事爲戒。于國家利弊政令未當者。直言。

勿諱謙朝參如故。

隆平

唐昭慶縣。宋改隆平。今縣屬趙州。

饑。

有司請以官麥貸之。帝曰。饑卽賑之。何必曰貸。

詔法司慎刑。

法令之當否。詳審至于再三。斯已可矣。卽虞廷克允。亦惟殺之三宥之三而止。必令法司五奏往復。雖多徒滋煩冗。究之五又何異于三乎。且人主詳求庶獄。反覆裁奪。輕重自無遁情。卽介于微曖。疑似之間。或藉勘以得其平。或集議以衷于是。自不致猶有枉縱。如必待臣下執奏乃允。則明慎之謂何。而權勢下移。又聞其漸是徒知欽恤之。

詔曰。刑者所以禁暴止邪。導民于善也。吏或深文傅會。以致冤濫。朕深憫之。自今其悉依律擬罪。若朕過于嫉惡。法外用刑。法司執奏。五奏不允。同三公大臣執奏。必允乃已。諸司不得鞭囚背及加人宮刑。有自宮者。以不孝論。人之爲非。父子不相謀。是以舜罰不嗣。文罪不孥。自今非謀反。勿連坐親屬。古之盛時。採民言以資儆戒。今奸人往往撝拾。誣爲誹謗。法吏刻深鍛鍊。刑之不中。

爲美而未識勅法之要領
雖小道必有可觀致遠恐
泥此之謂矣

民則無措。其除誹謗禁。有告者。一切勿治。

詔北京都司復稱行在。

將遷都南京。故有是命。

夏四月。免山東淮徐今年租稅之半。

帝聞山東及淮徐民乏食。有司徵夏稅方急。乃御西角門。召楊士奇草詔。免今年夏秋稅之半。士奇言。上恩至矣。但須戶工二部與聞。帝曰。有司慮國用不足。必持不決。救民之困。當如救焚拯溺。不可遲也。趣具楮筆。令士奇就門樓書詔。帝覽畢。卽下所司。

命皇太子居守南京。

五月。左遷李時勉。羅汝敬。

名簡。以字行。吉水人。

爲監察御史。尋下獄。

時勉抗言時事其是非姑
不其論卽其可罪何妨執

乃方召對之時。遣令武士以金瓜捶擊。致使骨折。損絕殿廷。倘復成何體制。昔漢明帝自起撞郎。以誠前史。仁宗何亦有此過甚之舉耶。

侍讀李時勉抗疏言事。帝怒。乃召至便殿。對不屈。命武士以金瓜擊之。脇折而死。而復蘇。時侍講羅汝敬亦言事。並改監察御史。頃之下獄。

帝崩。

先是帝不豫。遣中官海壽馳召皇太子。及是崩。遺詔皇太子卽位。

六月。太子瞻基至自南京。卽位。是爲宣宗。大赦。

太子方謁孝陵。海壽至。太子卽日就道。時南京頗傳凶問。又傳漢王高煦謀伏兵于道。邀太子。羣臣請整兵衛。或請從間道行。太子不可。曰。君父在上。誰敢干之。驛道馳還。至良鄉。太監楊瑛尚書夏原吉。呂震捧遺詔至。宣

訖。太子哭盡哀。入宮發喪。越十日卽位。大赦。以明年爲

宣德元年。

尊皇后爲皇太后。立妃胡氏。

濟寧人。錦衣百戶榮之女。

爲皇后。

閏月。以翰林學士楊溥入內閣。

罷弘文閣。召溥入內閣典機務。

溥與楊士奇同治內閣。王進等以原職隸翰林。

院。帝謂溥曰。古君臣更相戒飭。用致太平。卿將何以輔朕。對曰。臣受國厚恩。安敢忘報。帝曰。直箴朕過。報朕多矣。溥曰。直言非難。能受直言爲難。陛下旣以命臣。臣敢不盡忠以告。

更定科舉法。

初制。禮闈取士。不分南北。仁宗時。楊士奇請定取士之

額。南人十六。北人十四。仁宗以爲然。帝卽位。遂詔行之。

其後復分南北。北中爲三。以百人爲率。則南取五十五名。北取三十五名。中取十名。中謂四川。廣西。雲南。貴州。及

鳳陽。廬州。二府。
潯徐和。三州也。

秋八月。始置巡撫官。

以大理寺卿胡概。

字元節。豐城人。本姓熊。隨母適胡氏。遂冒其姓。叅政葉春。

海鹽。

人。巡撫南畿。浙江。

巡撫始此。

自是遇災荒盜賊。輒遣大臣往。

巡撫。事已召還。成化以後。遂成定員。而三司之任漸輕。

詔內外臣舉堪任守令者。

九月。葬獻陵。

在昌平州長陵西北。

謚曰昭皇帝。廟號仁宗。

明史贊曰。仁宗在東宮。屢遭媒孽。而終以誠敬獲全。踐位一載。用人行政。善不勝書。使天假之年。涵濡休養。德化之盛。豈不與文景比隆哉。

文景世無
升之盛豈不與

其史記曰太宗在東宮無憂樂憂而後以滿堂費全祖
歸曰聖皇帝願報太宗

大日精廟

是契丹非
耳昌平外

臨內伐日事聖君台音

巡撫軍身各嚴戒計以舒教如安員而三后之升漸顯

威靈南鎔池工

自景祖以來益煩瑣大日精

以大聖寺喚賄

字前國史天眷其弟
元續豐熙人本姓誰

赫八貝故置感燕官

賜賜賜賜

